

4(721)
2026

Հրատարակվում է
1999թ. սեպտեմբերից

Ճանաչել զիմաստությունն եւ զխրատ, իմանալ զբանս հանճարոյ

ԼՍԱՐԱՐ

Лусарар

ԿՐԹԱՄՇԱԿՈՒԹԱՅԻՆ ԹԵՐԹ

Lusarar

ՄԵՐ ՆԱՀԱՏԱԿՆԵՐԻ ԶՈՂՈՂՈՒԹՅՈՒՆԸ ՄԵՉ ՊԱՐՏԱՎՈՐԵՑՆՈՒՄ Է ԱՄՐԱՊՆԳԵԼ ՄԵՐ ՄԻԱԲԱՆՈՒԹՅՈՒՆՆ ՈՒ ՀԱՄԵՐԱՇԽՈՒԹՅՈՒՆԸ ԵՎ ՀՉՈՐԱՅՆԵԼ ՀԱՅՈՑ ՊԵՏՈՒԹՅՈՒՆԸ

Ն.Ս.Օ.Տ.Տ. ԳԱՐԵԳԻՆ Բ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ ՈՒՂԵՐՉԸ
ՀԱՅՈՑ ՑԵՂԱՄՊԱՆՈՒԹՅԱՆ ՆԱՀԱՏԱԿՆԵՐԻ ՀԻՇԱՏԱԿԻ ՕՐՎԱ ԱՌԻԹՈՎ

Սիրելի բարեպաշտ ժողովուրդ,
Այսօր Հայաստանում և սփյուռքի հա-
մայնքներում ոգեկոչում ենք Օսմանյան
կայսրությունում իրականացված Հայոց ցե-
ղասպանության մեր սուրբ նահատակների
հիշատակը, ովքեր անմահացան՝ իրենց հո-
գիններում անմար պահելով սերն առ Քրիս-
տոս և առ հայրենին:

Ապրիլի 24-ը խորհրդանշորեն ամփո-
փում է մեր ժողովրդի հավաքական տառա-
պանքը, որի մեջ խտացված են մեկ և կես
միլիոն մարտիրոսացյալ հայորդիների, հայ-
րենակորույս, տարագիր ազգիս զավակնե-
րի, մշակութային եղեռնի ենթարկված մեր
վանքերի ու եկեղեցիների, ավերված բնա-
կավայրերի հիշողությունները: Այդ ողբեր-
գությունը, սակայն, չկորտրեց մեր ազգի
ոգին: Մեր ժողովուրդը վերապրեց ցեղաս-

պանությունը, ամենուր նոր կյանք վերըն-
յուղեց, վերահաստատեց հայոց անկախ
պետականությունը:

Ապրիլի 24-ն ուխտի օր է՝ միախույսված
աշխարհասփյուռ մեր ժողովրդի պահան-
ջատիրությանը, որը զերծ է թշնամանքից ու
ատելությունից, ուղղված է արդարության ու
ճշմարտության վերականգնմանը և ցեղաս-
պանության արհավիրքի ուրացման բա-
ցառմանը:

Ցեղասպանության աղետալի դեպքերից
հարյուրամյակ անց, երբ թվում էր, թե նման
տուկալի հանցագործությունները մնացել
են անցյալում, ցավոք, նոր ցեղասպան գոր-
ծողություններով հայաթափվեց Արցախը,
բռնությամբ տեղահանվեցին ավելի քան
120.000 արցախցիներ: Այս ծանր կացու-

թյան և առկա սպառնալիքների հանդիման,
մեր նահատակների զոհողությունը մեզ
պարտավորեցնում է ամրապնդել մեր միա-
բանությունն ու համերաշխությունը և հզո-
րացնել հայոց պետությունը: Հիրավի, հա-
մազգային միասնականությանը է, որ կարող
կլինենք արդյունավորելու ջանքերը Հայոց
ցեղասպանության համընդհանուր ճանաչ-
ման և արգասավորելու քայլերն ու նախա-
ձեռնությունները՝ հանուն ազգային առա-
ջընթացի և խաղաղ ու անվտանգ կյանքի:

Աղոթենք և հայցենք, որ մեր նահատակ
սրբերի բարեխոսությամբ խաղաղության
երկնային շնորհները և մեր Տեր Հիսուս
Քրիստոսի ողորմությունն ու սերը բաշխվեն
համայն աշխարհին, մեր հայրենիքին և ժո-
ղովրդին այսօր և միշտ. ամեն:



ՑԱՎԸ ԶԻ ԾԵՐԱՆՈՒՄ

Ցավը երբեք չի ծերանում, և անցնող տարիները չեն
կարող սպիացնել Հայոց մեծ եղեռնի արճաճոր վեր-
բերը: Ցավը կսպիանա, երբ վերջապես կլինի ցեղասպանու-
ղի ապաշխարումը՝ դրանից բխող բարոյական և իրավա-
կան հետևանքներով:

Իսկ դա անխուսափելի է անգամ Թուրքիայի հերքող կա-
տաղության պարագայում: «Մարդկային արդարության ճա-
կատին թքելու» փոխարեն միաբանվենք և ուժեղանանք,
որպեսզի ի զորու լինենք բացառել ցեղասպանական նոր
նկրտումները հայ ազգի նկատմամբ: Եվ ինչու չէ, վերատի-

րենք մեր կորսված հայրենիքին, որպեսզի մեր ավերված
եկեղեցիներում ու վանքերում կրկին գոհությամբ հնչի «Տեր
ողորմեա»-ն:

«ԼՈՒՍԱՐԱՐ»

ՑԵՂԱՄՊԱՆՈՒԹՅՈՒՆԻՑ ԹՐԿՎԱԾ ՀԱՅՈՒԹՅԱՆ ԳՈՅԱՏԵՎԵԼՈՒ ՄԻՐԱՆԲԸ

Մեզնից ոմանք դեռևս չեն
Ս գիտակցում իմաստն ու
տարողությունը այն սխրանքի,
որը, թերևս ակամա կամ բնազ-
դաբար, իրականացրել են մեր
հայրերն ու պապերը Ցեղասպա-
նության ընթացքում եւ հետո:
(Նկատի չունենալ այն թեթևալիկե-
րին, որոնք այս պահին ղեկավա-
րում են, հույս ունեն՝ ժամանակա-
վորապես, մեր երկիրն ու պետու-
թյունը, եւ որոնք քիչ է մնում մահ-
վան վկայական պահանջեն Մեծ
եղեռնի՝ իրողություն լինելու, մե-
կուկես միլիոն հայերի նահատակ-
ված լինելու փաստը ընդունելու
համար): Օտարազգի հետազո-
տողները, այդ թվում՝ թուրքեր,
վաղուց են համոզվել, ընդունել
հայ ժողովրդի դեմ թուրքական իշ-
խանությունների նախաձեռնած
ու գործադրած ցեղասպան գործո-
ղությունները եւ, նույնիսկ, գար-
մացել, ինչպես անգլիացի պատ-
մաբան Քրիստոֆըր Ուոլթերն է ար-
ձանագրել իր «Armenia. The
Survival of a Nation» («Հայաս-
տան. Գոյատևումը մի ազգի») գր-
քում, մեր գոյատևելու, վերապրե-
լու իրողությամբ:

կանությունն աշխարհով մեկ
տարտղմված լինելու պայմաննե-
րում գոյատևելու, ազգային
կյանք, եկեղեցի, դպրոց, ակումբ,
որբանոց, բուժարան, այրիանոց,
ծերանոց, դարմանատուն, մամուլ,
նույնիսկ գրականություն ու թատ-
րոն ստեղծելու իրողությունը:
Ես չեմ մտաբերում մեր ժո-
ղովրդի պատմության մեջ որեւէ
այլ նախադեպ, երբ բնազդական
ու գիտակցական այդպիսի մղու-
մով եւ այդպիսի կազմակերպվա-
ծությամբ, իրարօգնության այդ-
պիսի ոգով, այն էլ՝ նման դժնդակ
պայմաններում, մեր ազգը փար-
ված մնա ազգային լինելիության
գաղափարին:

Եղեռնը վերապրողների առա-
ջին եւ գլխավոր գործը ազգահա-
վաքը եղավ՝ սկսելով որբահավա-
քով, որի առաջին ռահվիրաներից
մեկը հանդիսացավ ամերիկյան
բանակում ծառայած կրտսեր
սպա, հետագայում «Որբերի հայ-
րիկ» կոչումին արժանացած Ռու-
բեն Հեյրյանը, որի «Մեկ հայ որ-
բուկ» անգլիական մեկ ոսկեդրամի
դիմաց» ծրագիրը, որը կայանում
էր արաբ ցեղախմբերի վրաններից
հայ երեխաներին «զնելու» մեջ:
Նրա եւ ուրիշ նվիրյալների, այդ
թվում՝ շվեյցարացի, նորվեգացի,
ամերիկացի եւ այլ ազգությամբ
կամավոր բարեգործների ջանքե-
րով հավաքված որբերի կենտրո-

նացումն էր դա Հալեպի, Արաբ-
փունարի, Քամիշլիի (Սիրիա), Ժի-
բեյլի, Թրիփոլիի, Ռայաքի, Անթի-
լիասի (Լիբանան), Կիպրոսի, Հու-
նաստանի Կորֆու կղզու, ինչպես
նաեւ Ալեքսանդրապոլի (Գյումրի)
որբանոցներում, աջակցությամբ
ամերիկյան մարդասիրական Near
East Relief կազմակերպության,
Հայկական Բարեգործական Ընդ-
հանուր Միության ու հայ եւ օտար
այլ կազմակերպությունների,
որոնց մեջ միշտ կարեւորագույն
դեր է կատարել ամերիկահայու-
թյունը՝ հատկապես հայրենակցա-
կան միությունների միջոցով,
որոնք հետագայում վճռական դեր
ունեցան նաեւ Հայաստանում
Հովի. Թումանյանի նախագահու-
թյամբ գործող ՀՕԿ-ի (Հայ օգնու-
թյան կոմիտե) խողովակով, Պողոս
Նուբարի նվիրատվությամբ կա-
ռուցված Նուբարաշենից հետո
գյուղական ու քաղաքային բնա-
կավայրերի ու թաղամասերի կա-
ռուցման գործում, ինչպես Նոր
Քղի, Նոր Հաճըն, Նոր Խարբերդ,
Նոր Այնթապ, Նոր Արմավիր, Նոր
Արեշ, Նոր Արաբկիր, Կիլիկիա,
Չեյթուն եւ այլ բազմաթիվ ավան-
ների կառուցապատման գործում:
Իսկական հայրենաշինություն՝ գե-
րագանցապես նախկին որբերի
ծեքով կառուցված: Նրանք էին,
որ Թումանյանի ասած «ողբի հայ-
րենիք, որի հայրենիքը» ծաղկեց-

րին, բարգավաճ երկիր դարձե-
ցին, որը շուտով հանգրվան դար-
ձավ հայրենադարձ հայկական
կարավանների համար:
Որբահավաքից ու որբախնամ
կառույցների ստեղծումից հետո
օրակարգի գլխավոր հարց դար-
ձան երեխաների կրթության եւ
արհեստագիտության հարցերը:
Դպրոցներ բացվեցին արդեն
սփյուռքահայ դարձած խոշոր ու
փոքր համայնքներում: Կարապետ
Աղա Մելգոնեանի կտակով ՀԲԸՄ-ը
Նիկոսիայում բացեց ամենակա-
րելու կրթօջախը՝ Մելգոնյան
հաստատությունն իր վարժապե-
տանոցով, որը կարճ ժամանակում
սկսեց ուսուցիչներ հայթայթել նո-
րաբաց դպրոցներին, մինչ Բեյրու-
թում, զուգահեռաբար, ՀՀ Առաջին
Հանրապետության մեծանուն ղե-
կավարների՝ Աղբալյանի, Վրաց-
յանի, Լեւոն Շանթի ջանքերով
սկսեց գործել Համազգայինի ճե-
մարանը: Նույն գործառույթը, ար-
դեն տասնամյակներ շարունակ,
ստանձնել էին նաեւ Մեծի տանն
Կիլիկիո կաթողիկոսության Դպրե-
վանքն ու Երուսաղեմի հայոց
պատրիարքության ժառանգավո-
րաց վարժարանը:

Չուգահեռաբար, արդեն 16-20
տարիքի հասած որբերին տրվել
են արհեստներ սովորելու դասըն-
թացներ՝ կոշկակարություն,
ատաղձագործություն, դերձակու-

թյուն եւ այլն, որպեսզի չափահաս
որբերը աշխատեն, փող վաստա-
կեն, ընտանիք կազմեն: Ուշա-
գրավ էր մանավանդ՝ դեռևս որ-
բանոցներում գտնվող՝ նույնպես
չափահասության տարիքի հասած
որբուհիների հետ արհեստավոր
այդ տղաների ամուսնության կազ-
մակերպումը՝ փոքրիկ օժիտի նվի-
րումով: Երիտասարդ ընտանիք-
ներ կազմելու, նոր սերունդ ստեղ-
ծելու սրտառուչ նախաձեռնու-
թյուն՝ արդարեւ:

Ինչպես տեսնում ենք, դժվա-
րագույն պայմաններում, Մեծ
եղեռնից մնացած աղիտահար հա-
յությունը, բնազդաբար եւ իմաստ-
նաբար ցույց է տվել ինքնակազ-
մակերպման, գոյատևման, վերա-
կանգնման զարմանալի, հրաշալի
կարողություն, որը դաս պետք է
լինի մեր ապրող ու գալիք սե-
րունդների համար՝ մեր ժողովու-
րդի, հայրենիքին ու պետությանը
դուրս բերելու աղիտալի ներկա ու
գալիք վիճակներից, ձերբազատ-
վելու աղիտաբեր համբակ կառա-
վարիչներից, աշխատանքով եւ
իմաստությամբ կերտելու իսկա-
պես հզոր, իսկապես ուժեղ, իսկա-
պես բարգավաճ եւ իսկապես ար-
դար ու կենսունակ երկիր:

ՀԱԿՈՒ ԱՎԵՏԻԵՅԱՆ
«ԱԶԳ» շաբաթաթերթ
24/04/2026

ԱԶԳԱՊԱՏՈՒՄ

ՀԱՅՐԵՆԻՔԸ ԲԱՌԵՐՈՎ ԳԵՆ ՍԻՐՈՒՄ



Անցել են շատ տարիներ, շատ, հարյուր հիսուն և ավելի տարիներ, և հայոց պատմության խոցող ու դաժան դրվագներով անվերջակետ տեսաժապավենը՝ այլևս նաև մեր իսկ իրական մաշկից, մեր հոգու ու սրտի ցավերից բխող ու նկարվող ժապավենը՝ նորօրյա իր զարհուրելի պատկերներով, ցույց է տալիս, մեզ իրական վկա դարձնում, թե ինչպես է կորսվել Հայոց Հայրենիքը այնօր, և ինչպես է սողալով կորչում, անհետանում, օտարին բաժին դառնում մի քրիստոնյա փոքրիկ սուրբ աշխարհ, ժողովրդիս, ազգիս, մեզ համար Մեծ, շատ Մեծ Աշխարհը: Հարյուր հիսուն տարվա իրական, ակնառու, շոշափելի ոճրագործության փաստերի հիմքերով մի ողջ ժողովրդի կյանքի, մարդկային անպատմելի սպրուսների անվերջակետ ժապավեն, որի վերջն ու ավարտը չեն ուրվագծվում իր տեսակով եզակի տեսասկավառակի անհաշվելի շերտաշարում: Տեսասկավառակ, որ բովանդակում է մի ողջ ժողովրդի երեքհազարամյա կենսագրությունը: Ազգի կենսագրություն, որի անունն է Պայքար, ազգանունը՝ Կռիվ, անունը՝ Մահ, անունը՝ Կյանք, անունը՝ ազգի գեների հավերժության իրավունքի համար մշտապես ու անդադրում մղվող պայքար, որի հաղթական, բաղձալի ավարտի նշանները մշուշների մեջ են, հորիզոնի չերևացող հեռուններում: Իսկ մեր հորիզոնն այսօր անսահման կրակների բոցերի մեջ է: Եվ Հույսը, Հույսն այն է, թե իրեն կրակներից ու բոցալի կաթսայից նորից պիտի ելնի, ծնվի Ոգեղեն Հայի մի նոր Կերտվածք, մի նոր, ավելի խիզախ Հայկ, ավելի խիզախ Տարոնների ու Տիգրանների, Փիրուսյանների կուռ շարք, որ կարթնացնի, քաջալերանքի կոչ կանի իր Գերդաստանին, Հայոց Ածուխ շարքերին, նրա ձեռքը սրի հետ կտա նոր ԲԱՅՆՈՒ ԳՐԻՉ և նոր ՌԻՄՏԻ մատյան՝ երկիրը չթողնելու, երկրում ապրելու և այն գորացնելու: Եվ այսօր, հենց այսօր, հենց հիմա՝ թող ծնվի այդ Հայկը, այն Հայկը, որն իր ռուսագերի մեջ զգում է ՀԱՅ աղյսի հառնումը նահատակությունից ու մահից: Հարեթանց ՏԱԼԸ, Թորգոմի որդուն, նրա ծոռներին ՍԱ է բաժին հանվել և ասվել, որ ԵՐԱՆ, հենց նրան՝ Հայկին է բաժին տալիս լեռների մեջ ծվարած այս ՀՈՂՆ ու նրա գոյության պայքարը, որ Հայոց Հայրենիքն է սա, որ նրա որդիները կռվող են ու դիմացկուն, որ նրանք քուն ու դադար չեն ունենա իրենց բաժին արված Օրրանը հավերժ պահելու համար:

Եվ ասվել է՝ պահեցեք երկիրը ձեր ու շատացեք: Այսօր ժամ՝ լինել-չլինելու, ժամ՝ ոգու արթնացումի, ժամ՝ Ազգային ոգու նոր կոման ու նոր հառնումի:

Չէ, հոգնել, երկնչել չկա, իմ հայ՝ ժողովուրդ, հոգնել չկա, քանզի մաքառումով ու պայքարով Հայի ԱՆՈՒՄԸ պահելն է մեր Ազգային դափնին, ազգերի բազմազույն շքերթի մեջ մեր Գույնն ու Որակը՝ Ազգային որակի նշանով: Այսօր, վաղը, թե ապագան ամենից անհաս Լուսապսակին, ազգերի հարատևման ամենամահա թագուգահին հասնելու կարողությունն ու ունակությունն է մեր նախապապերից մեզ բաժին հանվել՝ Նոյից, Հարեթից ու Թորգոմից՝ փոխանցվել ՀԱՅԿԻՆ: Են գլխից, ի վերուստ. դաժան որոշում ու վճիռ ժողովրդիս, ազգիս համար,

բայց անգին ու լույսի մաքրության որոշում: ... Եվ արդեն քանի՞ հազարամյակ. ու մենք իլու, խոնարի ծառան ենք Ի վերուստ մեզ տրված այդ որոշման, որ ունի հպարտ ու անհաս մի վսեմ ԱՆՈՒՄ՝ Հայ ու Հայաստան: Խարբերոցի հայ, շուշեցի հայ, հաղրուբցի հայ, Մարաղայի հայ, մշեցի հայ, Ուտիք աշխարհի հայ... Կորսված հայրենիքի բոլոր անկյունների հայեր, նույն ցավ ու դավի կրող, նույն ձեռագրով հոշոտված, առանց բնօրրանի մնացած հայեր...

Եվ ինչո՞ւ, ինչո՞ւ այսպես դասավորվեցին իրողությունները՝ մի քայլ առաջ, տասը քայլ՝ հետ: Այսպես եղավ հարյուր հիսուն տարիներ առաջ և այսօր, որ այսչափ խելք ունենալով՝ չունեցանք խելքի այն չափաբաժինը, որ նրա՝ ավարառուի ձեռագրին լավագույնս տիրապետեինք ու ավելի հաղթական, վայելուչ ձեռագրով պատասխանեինք: Եղավ այսպես, քանզի հայրենապաշտության ձեռագիրը մեր շատ խայտաբղետ էր՝ ազգային թույլ ներդաշնակությամբ. խելքները շատ էին, իսկ բոլորը միասին՝ նվիրյալների շարքերի կողքին՝ նաև անկարգ, նյութապաշտ շարքերով: Եվ սա՛ է ճշմարտությունը Վասակից ու Մերուժանից, ռես Ավետիսից ու Մխիթարի գլխին սուր քաշած ստահակներից մինչև այսօր: Արժաքն ու շահը, փառքն ու աթոռակոծվող սպանում, ոչնչացում են քո մեջ ապրող երբեմնի հերոսին, երբեմնի ազգապաշտին, երբեմնի ազնիվ հային:

Եվ մի՞թե բանականությանը հասու չէ կամ դժվար է գիտակցել, թե որն է անցողիկը, որն է մնայունը. չէ՞ որ դժվար չէ յուրացնել ամենից տարրական գոյաբանածը. Մարդը մահկանացու է, նրա արած-թողածը՝ մնայունը:

... Ավա՞ղ, հավասարվեցին, նույն հավասար հարթակին հայտնվեցին դար առաջ թուրքահպատակ՝ ազատության տենչով լեցուն, կուռ շարքերով մարտնչած, ավա՞ղ ապարդյուն ընկած հայրուկ-նվիրյալ՝ հարյուր-հարյուր Գևորգ, Անդրանիկ, Չաուշ տղաների և Հայրենիք ազատագրած, հաղթանակի բերկարման ու վայելքը ժողովրդին, ազգին ընծա բերած Արցախյան գոյամարտի տղաների դափնիները: Ընկան ցեխի, մրի մեջ, մրտավեցին, նրանց կերտած խիզախունի պատվանդանն ընկավ, որի երբեմնի անչափելի խորությունն ու շքեղ բարձրությունը դարձավ լոկ Հուշ, Հուշապատում, հարթակ, որ վսեմ իրողությունից, բարձունքից իջավ հատակ: Ընկավ մի հզոր բերդ՝ դառնալով վերացական երեք կամ հինգ դասազրքային միտք:

Եվ տնքում է հողը Հայոց, լացում, մռնչում է հողը Հայոց՝ մեր անցյալ բոլոր սերունդների, քաջարի տղաների, ծեր ու մանկանց, հայոց որդոց ու մայրերի մարմիններով, նրանց արյամբ ժայռ ու Բերդ, Ամրոց դարձած հողը հայրենի: Ո՛վ գիտե, գուցե ճշմարտություն է, որ հողը հիշողություն ունի, ո՛վ գիտե, բայց մեր դեպքում՝ այո: Մեր հողը հիշողություն ունի. ճակատագրի բերումով հայիս ազգային գեներն արյամբ մայր հողին շաղախվել, այնքան են շատացել հայրենի հողի մեջ... Հիշողություն, որ մարմնավորվել, Շունչ ու Լեզու առած՝ խոսում, աղաղակում է իր ինքնության, իր պատկանելության, իր գոյության, իր պայքարի մասին: Հարյուր և ավելի տարիներ Հայիս պայքարը չգտավ իր ցանկալի հանգրվանը, չգտավ այդ պայքարի շարքերում հաճախ աննկատ ու հաճախ էլ անտարբեր վկաների մեղքով: Իրենց՝ ազգային որակի փչացնող տեղերը գտան արծաթասերն ու փառամուրը, եսապաշտն ու մատնիչը...

Եվ նվիրյալների կամքով ու արյամբ բարձունքին հասած բերդերը երեքացին ու ընկան: Միստիկ, վերացական է հնչում: Բայց մեր հողը, Հայոց հողը հիշողություն ունի: Մարդկային ու ազգային սխալներից հոգնած ու բզկտված մայր հողի միջից ցատկում է ելել, անթաղ մանչերի, մայրերի հայոց, երբեք չփակված ու բաց մնացած աչքերից նրանց՝ ցատկում է ելել... Հողիս լեզուն էլ դա՛ է. նա այդպես է դիմում աշխարհին: Իսկ որտե՞ղ են տերերը իմ: Եվ՝ Ո՛վ Անքննելի... Մարդկային մտքի ծայրերով ի՞նչ մտքեր ասես որ չեն անցնում: Չէ, չի նսեմանում միտքս, այն իրական, իրապես է դատում: Հարյուր տարի անց տնքում, աղաղակում է Երզրիս հողը տանջահար: Այլևս վառված, մեր հին ոստան Վանի մոխրացած այգեստաններից, տանջահար բանաստեղծ Մահարու օրրան այգեստաններից, կրակե լեզուները ՄԱՅՐ գետն անցնելով հիմա էլ եկել-հասել են Գոչալվանք ու Դիզափայտ, մտքվում, մոխրանում են մեր ծննդավայր, մեզ սնած ու օրորած հայոց մարտնչող Արևելքի այգեստանները... Եվ այսօր Տիգրանակերտի Սուրբ Կիրակոս եկեղեցուն փրկություն գտած Երզրիս զարկվածների աղաղակները, նրանց լուռ տնքոցները ձուլվեցին միախառնվեցին իմ Հաղորութի, իմ Շուշիի, Իմ Մարաղայի, Մեծ Գետի, մեր կողմի կորսված Երևելիների ու Մայրերի, Հողվորի, Գրչի, մշակի ու մարտերում դեռ բաց աչքերով ընկած Տղաների հառաչին ու նրանց վերջին ակնթարթներին, վերջին մտքերին՝ նրանց անքննելի՝ ավելի խորացնելով Ազգային ցավի օվկիանոսը: Կիսված մի մարմին և զույգ արյունակից եղբայրներ՝ կորսված ու կռվող, իսկ ցավը նույնն է, իսկ ցավը մեկն է երկուսի համար, որ Երկիրն ապրի, որ Հայը ապրի: Տակավին ցավերի մեջ Գետի այս կողմից մեր ծայնն էլ հասավ Երզրին՝ Միտերի դառնը՝ թե որ կբացվի: Ճշում ու աղաղակում է Հայոց Աշխարհը և ուզում է հիշեցնել ու մատնանշել քաղաքակրթության մի չքնաղ օրրանի, մի չքնաղ աշխարհի մասին, մեռած մի Երզրի և իր կյանքի ու գոյատևման համար մաքառող ու մարտնչող մեր Երկրի մասին:

Եվ լսո՞ւմ է Աշխարհը: Այո՛, մենք տեսնում և լսում ենք, որ Աշխարհը և՛ լսում է, և՛ տեսնում, բայց այդ Աշխարհն ավելի շատ իր գործերով է զբաղված, իր օգուտներն է ուզում քաղել բոլոր հնարավոր հնարներով, բոլոր տեղերում, անգամ կրակների միջից, որտեղ Աստծո արարած իր տեսակն է մահանում և մեռնողից էլ է ուզում օգուտ քաղել... Համոզվել, համոզվել ենք, որ սա է աշխարհիս Կարգը, որ դարիս մարդասիրությունը միայն կոչեր են, միայն գեղեցիկ շարադրված բառեր, լավագույն դեպքում՝ կարեկցանք, հուսադրում: Սրանից այն կողմ գործում է միայն քո Սուր եղունգի, քո հուժկու Սրի և քո Միաբանության օրենքը... Ու թե այդպես չէ. ո՞ւր է մեծանուն ու մեծատուն այրեր աշխարհին տված, աշխարհի իմաստությունը մեծ չափաբաժնով ավելացրած մտքի շտեմարան Վարուժանի ու Մեծարենցի, աշխարհահռչակ Վիլյամ Սարգսյանի, Անրի Վերնոյի, մեծ նկարիչ Արշիլ Գորկու, այլևս վառված ու մոխրացած այգեստաններում իր մանկությունն ըմբռնեցած մի հրաշք հայ մանուկի՝ մինչև աքսորավայրեր դառը կյանքի մրուրը մինչև վերջին ունայ տեսած ու դատարկած բանաստեղծի, բոլոր գալիք սերունդների համար դաս ու դասագիրք Արամ Մանուկյանի և քանի՞-քանի մեծանունների Երզրի Հայոց: Մեծանուններ, որ քայլել, խայտանքով վագել են Մուշի, Խարբերդի, Կարինի, Բրզանիկի ու Բազառիճի ճամփաներով, խմել Վանի բերդի տակ հայրեն զլգլացող վարար աղբյուրից, որի ջրերն այսօր հոսում-հոսում, բայց այգեստաններին չեն հասնում... Այգեպանը մահացել, Այգեստանները այրվել-մոխրացել են արդեն, իսկ Հողը այնքան ջերմ է, այնքան տաք, որ Հողի հիշողությունը չի լռում: Չի լռում: Հայոց Հողի հիշողությունը բողբոջում է...

Իսկ գուցե իր մեծ, բայց բզկտված ու բզկտվող՝ իր մյուս այս մեր ԿեՍԻ համա՞ր է բողբոջում և իր անկատար վճիռը որպես դրոշ պարզում մեզ: Հայրենի հողս տեսավ լռել, այսօր էլ շարունակում է լռել Աշխարհը արյունակից, ազգակից, հարազատ եղբոր

ցավերին անտարբեր ու անհաղորդ: Ժայթքել ու չի հանդարտվում, ծայն տալով մեզ, Աշխարհին՝ թե ով է տերն իր, թե ինչու օտար ոտնահետքերից հեծում ու անտեր է մնացել: Երզրիս հողը իր ցատկում է պարզել մեզ, որպես հրաման և իր ապրածի հիշեցում: Ապրել հայրենի հողի վրա և այն երբեք չլքել, չթողնել: Որ չկրկնվի մեծ ոճիրից մազապուրծ փրկված խարբերոցի այն վերջին վկայի՝ միլիոնի մեջ մեկ հայի պատմությունը, որը խարբերոցի իրենց թեմնիների տակ թուրքի սվիններից սվինահարված իր հասակակից, իր փողոցի ու բակի ընկեր-տղաներից դիզված կուլտի տակ նրանց արյունից արյունվա, բայց փրկված, օվկիանոսի այն կողմը հասած և հազարների հետ 108 տարեկանում իր մահկանացուն կնքած Մեծ Ոճիրի վերջին վկաներից էր, ում ապրած 108 տարիները ունեին մեկ անուն՝ Հայրենիքի կարոտ և այդ տարիքում աչքերից խո՛ւրժ-խուրժ գլորվող արցունքներ... Նրանց թեմնիների տակ թաղվեց հինավուրց մի ժողովրդի քաղաքակրթություն: Եվ նրա աղիողորմ արտասուքները հեռավոր Ֆրեզոնոյից արյան երակներով եկան խառնվեցին իրենց տան բազմոցին նստած իմ Թալիշի, Իմ Հաղորութի, Իմ Ջրաբերդի, Իմ Մարաղայի թեմնիների տակ ընկած, խոշտանված, անօգնական մեծերի ու փոքրերի սառած արտասուքներին: Բառերով չեն սիրում Հայրենիքը, բառերով չի ստացվում փրկել Հայրենիքը, չի ստացվում պաշտպանել: Ոչ մի պետություն ուրիշ փրկության համար չի զոհել իրեն և չի զոհելու: Դու ու քո ԱՐՄՍԸ պետք է կենսունակ լինեք, իսկ կենսունակությունը հանուն Ազգային Գոյի անդադրում աշխատանքն է, քրտինքն ու նվիրումը:

... Եվ մարդկային մտքի ու ձեռքի հզորության հատուցման ժԱՄԻ մասին չպետք է դադարել մտածել: Ավելին՝ մտածելով, միայն մտածելը սին է ու խաբկանք, գործել ու գործել, առաջ նայել, շատանալ, շատանալ ու գործանալ է պետք. ՀՅՈՒՄՆԱԼ՝ Մեծ խոսքը Մեծ գործ դարձնելով: Իսկ հզորանալու համար պարզապես պետք է լինենք բարոյական արժանիքներով տոգորված, խմորված, առաքինի, ազնիվ ու հայրենապաշտ հայեր, մեր հողի վրա, Հայրենի հողի վրա ապրելով, իրապես գործով սիրելով ու պահելով Հայրենի օջախները: Եվ ինչքան ճիշտ է ասված Մեծն Ազգապաշտի կողմից. «Հայրենիքներն ապրում են հայրենասիրությամբ և կործանվում դրա պակասից»: Եվ կյանքը մեր քանիցս է ցույց տվել, որ ուրիշ ասելիք չկա, հարյուր անգամ փորձության ենթարկվելուց հետո՞ էլ: Ճիշտ է ասված՝ Հայրենիքն ապրում է, երբ դու նրա գրկումն ես, քո գոյությամբ, քո արարումով է ապրում քո պապենական ՏՈՒՆԸ, որի սյունների, օճորքի առաջ դու մեծ պարտավորություն, քո ծննդյան օրից քեզ տրված հրամանն ունես: Եզակի իրավիճակ, որի դեպքում հրամանը չի քննարկվում: Հարյուր և ավելի տարիներ առաջ ժողովրդիս տեսած ու ապրած արյունոտ ապրիլը, նույն լինել-չլինելու օր-հասական մարտահրավերներով նորից եկել՝ ուղտի պես ոչ թե չոքել, կանգնել է մեր դռանը...

Չհուսալից անտեղյակներ, սերունդներին ամենօրյա աշխատանքով ու քարոզչությամբ ոգևորելը ու չմռռանալը, որ մեր ԱԶԳԱՊԱՏՈՒՄ ծանրակշիռ հուշապատմական հաղթությունների, խիզախունի դրվագներով լեցուն իր գույզն ունի՝ Հեռուսական, աննկուն, ազգային-համաժողովրդական ոգու դրսևորումների ծանրակշիռ Հուշապատմական-պատմականառակը, որի ամեն մի էջ ի գորու է ամբողջական-դարակազմիկ ու դարակերտ ՄԵՐՈՒՆԴՆԵՐՈՒՄ տանել իր հետևից...

Ուրեմն՝ առանց ակնթարթ ու թույլ կորցնելու՝ ի գործ, ի գործ:

Լուրս ՄԱՐՏԻՐՈՍՅԱՆ
Դպրոցի փնթոթն Արցախում, այժմ՝
ուսուցիչ Մայր Հայաստանում

ՈՒՂԵՐՁՆԵՐ

Մեզ ծանոթ և անծանոթ թուվանյանը

«ԱՆՔՈՒՆ ԿԿՈՒՆ»

Մեկնաբանում է գրականագետ Սամվել ՄՈՒՐԱԴՅԱՆԸ



Չովհաննես թուվանյանը մահվանից երկու ամիս առաջ մի գրառում է կատարել, որի մեջ ասում է. «Ես գիտեմ, մի օր, իհարկե, ոչ շուտ, իմ կյանքը մեծ հետաքրքրություն ու աղմուկ է հանելու, շատ բան է պարզվելու, տեսնելու են բոլորովին ուրիշ բան... գրվածքներս դեռ լավ չեն կարդացել, տեսել... և ոչ ոք ուղիղը չի գտնելու, չի ասելու երբեք» (Նվարդ թուվանյան «Չուշեր և գրույցներ»):

Իսկ ակամավոր թուվանյանագետ Էր. Ջրբաշյանը «Գրական թերթի» 1989թ. մարտի 11-ի համարում տպագրված իր մի հոդվածում գրել է, որ մինչև վերջերս մեր գիտական-գրական կյանքում իշխող «վերապահունների և մտավախության» հոգեբանությունը մեզ հաճախ ստիպել է առայժմ ընթերցողից թաքցնել բանաստեղծի ժառանգության առանձին էջեր՝ նրա վրա «ստվեր չնետելու» նկատառումներով:

2019թ. Ստեփանակերտում առիթ ունեցանք զրուցելու ԵՊՅ քաղաքական ֆակուլտետի դեկան, բանասիրական գիտությունների դոկտոր, պրոֆեսոր Սամվել Մուրադյանի հետ: Մեզ հետաքրքրում էր, թե 150 տարի անց մեք լավ ենք ճանաչում թուվանյանին: Ջրույցը մասնավորապես ծավալվեց նրա «Անբուն կկուն» ստեղծագործության շուրջ:

Նվարդ թուվանյանի նույն «Չուշեր»-ում կարդում ենք, որ հայրը իրենց պատվիրել է չհրատարակել իր անավարտ գործերը, վառել: Բայց «Անբուն կկուն», որ անավարտ է, պահպանվել է և տպագրվել է շատ տարիներ անց:

Սամվել Մուրադյանն այդ առնչությամբ պատմեց հետևյալը.

«Անբուն կկուն» թուվանյանի վերջին գործերից է: Այն «Չարի վերջը» ստեղծագործության ընդարձակ տարբերակն է, որի երկրորդ մասը ոչ մեկը չէր հանդգնում տպագրել: Թուվանյանի գործերի մեծ մասի լավագույն հրատարակիչ, Մկրտչյալ թուվանյանագետ, ծեռագրագետ, բնագրագետ, հզոր բանասեր Արամ Ինժիկյանը «Անբուն կկուն» ստեղծագործության գրության ճիշտ տարեթիվը չի նշել, բայց ասում է, որ գրվել է 1917 թվականից առաջ, հավանաբար՝ 1915թ.: Նա, իհարկե, գիտեր երբ է գրվել, բայց ըստ երևույթի մի վախճան էր գրել ճիշտ տարեթիվը. չէր ուզում կասել Չոկոտեմբեյանի հեղափոխության, Խորհրդային Միության կազմավորման հետ: Մինչդեռ թուվանյանը գրել է Խորհրդային Միության կազմավորման շրջանում՝ 1922թ.: Գրողի մերձավորները գիտեին ինչի մասին է: Դրա համար աղջիկը՝ Աշխենը, ստեղծագործությունն իր ծեռագրով նույն թանաքով արտագրել էր մեծ, սև տետրի մեջ, որպեսզի հոր ծեռագրով չպահվի: Թուվանյանի ծեռագիրը չի պահպանվել, ինչ-ինչ հանգամանքներում կորել է: Ո՞վ է կորցրել՝ ոչ ոք չգիտի: Որովհետև վախճանն էր թուվանյանին վնաս տալ: Ես և Էր. Ջրբաշյանն ենք «Անբուն կկուն» 1972թ. առաջին անգամ տպագրել «Բանբեր Երևանի համալսարանի»

հանդեսում: Նոր էի այդտեղ մտել աշխատանքի, պատասխանատու քարտուղարն էի, երբ Ինժիկյանը բերեց այդ ստեղծագործության ծեռագիրը (Աշխենի ծեռքով գրված): Նա ու հանդեսի գլխավոր խմբագիր Էր. Ջրբաշյանը՝ երկու մեծ թուվանյանագետներ, խորհրդակցում էին՝ ինչպես տպագրել: Վախճանում էին գլավլիտից, և նրանց վախը անտեղի չէր: Գլավլիտն անմիջապես նկատել էր, որ դա խորհրդային պետության դեմ է ուղղված, քանի որ այնտեղ շատ վտանգավոր արտահայտություններ կային: Առհասարակ նրանում գեղարվեստական պատկերը շատ է բազմատարողունակ, բազմանշանակ, մանավանդ ակնարկները շատ թափանցիկ են, և իսկույն կարող ես վերագրել այսինչին կամ այնինչին:

Ես էի տպարանի հետ անմիջական կապը պահողը: Էր. Ջրբաշյանը Չայրեմսկան մեծ պատերազմի հաշմանդամ էր, մի ոտքը կտրած էր, մի ոտքն էլ 14 տեղից վիրավոր, չէր կարող գնալ-գալ, ես էի հանդիպում ունենում այդ օրերի տպագրատան դեկավարության հետ, ընդհուպ մինչև Կենտկոմ: «Անբուն կկուն» տպեցինք կրճատումներով: Ստիպված կրճատեցինք, քանի որ գլավլիտը, այնուամենայնիվ, հասկացել էր, թե ինչ է գրված: Իսկ ի՞նչ էին կրճատել: Գրվածքում ասվում է, որ աղվեսը կանչեց կկվին (նկատ

ված էր, որ համար: Եթե ամեն մեկն առանձին-առանձին իրեն ազատ զգա, գիտե՞ս դրանից ինչ դուրս կգա»: Այս հատվածն էլ հանեցին այն ժամանակ: Էլի բաներ կան, որ հանեցին, այս պահին կարող է չհիշեմ, տասնամյակներ են անցել:

Ստեղծագործությունը թուվանյանը դիտմամբ է գրել կենդանական հերոսներով, որ կարողանա կենդանիներին վերագրել իր մտածողությունը. ինչ որ ինքը մտածում էր, կենդանիների անունից է ասել: Բայց նույնիսկ այդ պայմաններում էլ վտանգը կար, և «Անբուն կկուն» տպագրվեց այն ժամանակ այդ կտորները համած: Կկունն այդ ժողովուրդն է, որի ձագերին տարել կերել են գայլերը, այսինքն՝ բուլշևիկները և թուրքերը: Խլել են երկիրը, մնացել է անբուն, հայրենիքից՝ Արևմտյան Չայաստանից, Ղարաբաղից, Նախիջևանից, Ջավախքից գրվել են: Դրա համար էլ վերնագրել է «Անբուն կկուն»: Թուվանյանական հանճարը հենց այդտեղ է: Ես հիշում եմ, որ Ջրբաշյանն ու Ինժիկյանը երբ խոսում էին, չէին ուզում, որ ես լսեմ, իմ ներկայությամբ բարձրաձայն այդ մասին չէին խոսում: Ես երիտասարդ էի, մտածում էի, որ իմ ներկայությամբ չի կարելի խոսել այդ մասին: Բայց իրար ասում էին՝ տես է, թուվանյանը ինչ հանճարեղ բան է գրել: Բայց չէին բացում, թե որն է այդ հանճարը: Ես էլ լսում էի: Տարիներ հետո վերլուծում էի, թե ինչ նկատի ունեին «Թուվանյանի հանճարը» ասելով:

«Անբուն կկուն» ստեղծագործության մասին առաջին ուսումնասիրությունը հենց Արամ Ինժիկյանն է գրել: Դրանից հետո գրել է Էդվարդ Ջրբաշյանը իր մեկնաբանություններով, հետո՝ Չրանտ Թամրազյանը: Վերջինս գիտեր, որ տպարան ուղարկած ծեռագիրն իմ նոտ է պահվում: Մահվանից առաջ ուզեց, տվեցի, բայց գավակները այն չվերադարձրին նրա մահվանից հետո: Ես այնտեղ նշումներ ունեի, տարան ու այդպես էլ չբերեցին:

Նրանցից հետո ես գրեցի, մեկնաբանեցի «Անբուն կկուն» իմ «Գրական հանգրվանների» 3-րդ գրքում: «Չովհաննես թուվանյան. հանճարը Ցեղասպանության միջով» ուսումնասիրությունը «Գրական հանգրվաններ»-ից մեկն է:



«Անբուն կկուն» վերլուծել են որպես եղեռնի և հետագա ընթացքը պատկերող գեղարվեստական ստեղծագործություն: Թուվանյանի 150-ամյակի առիթով ես նորից հնարավորություն ունեցա կատարել ճշտումներ: Ինչքան էլ ազատ մտածողության տեր լինեմք, ինչքան էլ ասենք՝ ազատություն է եկել, ազատ խոսքի իրավունք կա, իմ մեջ դեռ հին ժամանակներից գլավլիտի մտածողությունը կա: Մտածում էի՝ սա որ գրեմ, ինչպե՞ս կընկալեն, ի՞նչ կլինի, ինչպե՞ս կհասկանան ինձ: Համենայն դեպս, աստիճանաբար եմ մաքրում այդ բանը և 2010թ. գրածիս վրա նոր ավելացումներ եմ արել ու հիմա էլ առանձին ուսումնասիրություն եմ պատրաստել:

Լոնոն Չայվերդյանը ամենամեծ թուվանյանագետներից է, թուվանյանին սիրող, գնահատողներից մեկը: Այդպիսի տպավորություն ունեն շատերը: Բայց «Չայ դասական գրողներ» մատենաշարով նրա կազմած թուվանյանի միաստորյակում գրողի հանրահայտ քառյակներից մեկը՝ «Երկու դարի արանքում, Երկու քարի արանքում, Չոգնել եմ նոր ընկերի ու Չին ցարի արանքում», աղավաղված է տպել: «Ցարի» փոխարեն «ցգավ» է գրել, որ հանկարծ «բուլշևիկ» և «ցար» հակադրությունը չստեղծվի: Տեսեք մի տառի փոփոխությամբ Չայվերդյանը ինչ կեղծիք է արել, ոնց է այլանդակել թուվանյանի հանճարեղ միտքը: Այնպես որ թուվանյանագիտությունը հիմա համեմատաբար ազատ զարգանալու և լավ մակարդակի հնարավորություններ ունի:

Ներկայացրեց Սվետլանա ԽԱՉԱՏՐՅԱՆԸ

ՆԱԵՎ՝ ՈՒՄՏԻ ՕՐ

Տարիներ առաջ Չայաստանյաց առաջելակյան սուրբ եկեղեցին Ապրիլի 24-ը սահմանեց որպես Սուրբ մահատակների հիշատակման օր, որովհետև իսկապես բազմաթիվ են պատմական վկայությունները, որ հենց Ցեղասպանության օրերին մենք ունեցանք մահատակներ և հատկապես հոգևորականներ և շատ քրիստոնյա հավատացյալներ, որոնք մահատակվեցին ոչ միայն որպես պարզապես հայ, այլ նաև որ մերժեցին առաջարկությունը ուրանալու քրիստոնեությունը, քրիստոնեական հավատքը և մահատակվեցին հանուն Քրիստոսի: Եվ այսօր առիթ ունենք, որպես Սրբոց մահատակների հիշատակման օր, խոնարհվելու մեր սրբերի և բոլոր մահատակների հիշատակի առջև՝ խնդրելու նրանց բարեխոսությունը մեր մեղքերի թողության համար, ինչպես նաև որ Աստված իրենց իմաստություն տա

միասին, միախորհուրդ լինելու, և ամեն մեկն իր տեղում իր ծառայությամբ, իր նվիրումով զորացնելու մեր հայրենիքը, մեր պետականությունը: Այսօր ևս մեկ անգամ խոնարհվելով նրանց հիշատակի առջև՝ բոլորին վրեժխնդրության հրավեր եմ անում: Վրեժխնդիր լինել պարտելու միջոցով, ստեղծագործելու միջոցով, ուժեղ հայրենիք ունենալու միջոցով, ի վերջո՝ մեր ժողովրդի ապրելու, գոյատևելու, հարատևելու իրավունքը պահելու, պաշտպանելու միջոցով: Դրա համար եմ ասում՝ իմաստություն տա, որ ժողովուրդը միասին ու միախորհուրդ լինի: Եվ դրա մեջ շատ կարևոր է հավատքի կյանքը: Երբ ասում ենք հավատքի կյանք՝ նշանակում է ուղղակի հայտնվել խոնարհության, հեզության մեջ՝ թողնելու հպարտությունը, թողնելու անձնական շահը, անհանդուրժողականությունը, ատելությունը, թշնամանքը,

համախմբվելու, ներողամիտ լինելու, հանդուրժող լինելու միմյանց նկատմամբ և միասնաբար այլևս մտածելու, որ պետք է այնպիսի հայրենիք ունենանք, այնպիսի հզոր պետականություն, որ ոչ մի ժողովրդի մտքով այլևս չանցնի մեզ ցեղասպանության ենթարկելու կամ կոտորելու:

Իսկապես, որպես կարևոր օր՝ Սրբոց մահատակաց բարեխոսությունը թող լինի մեր ժողովրդի միաբանության հետ կապված: Եթե պատմության էջերը բացեք, կտեսնեք, որ հենց ցեղասպանության օրերին մեր ժողովուրդը էլի անմիաբան էր. բոլոր քաղաքական կուսակցությունների մեջ խնդիր, վեճեր, անհամաձայնություններ: Նույնիսկ հավատքի առումով էլ մեր ժողովուրդը տկարացած էր, որովհետև շատ վկայություններ կան, որ այդ կիրակի օրը պատարագի ժամանակ թուրքերը, երբ բացում էին եկեղեցու դուռը, այնքան քիչ մարդ է եղել, որ ասել են՝ հայե-

ՊԱՏԱՐԱԳԻՉ

«ՎԵՐՔ ՀԱՅԱՍՏԱՆԻ»-185

ՄԵԾ ԼՈՒՍԱՎՈՐՉԻ ԱՌԵՂԾՎԱԾԱՅԻՆ ԱՆՇԵՏԱՑՄԱՆ 178-ՐԴ ՏԱՐԻՆ

Արվյանը հայոց գրերի գյուտի ու Ավարայրի ճակատամարտի շարունակությունն էր նոր ժամանակներում: Մոսկ անհատ չէր նա, ժողովրդի հոգեկան ներքին ուժերի խտացումն էր, որ բռնկվեց, բոցավառվեց ու դարձավ մեր պատմության աստեղային ժամերից մեկը: Վահագն Կավթյան

Երևանի Խ.Արվյանի տուն-թանգարանը հերթական ազգանվեր նախաձեռնությամբ հանդիսատեսին հրաշալի անակնկալ մատուցեց՝ նվիրված Մեծ լուսավորչի առեղծվածային անհետացման 178 և «Վերք Հայաստանի» պատմավեպի ստեղծման 185-ամյակներին: Ծրագիրը ներառում էր բազմապիսի միջոցառումների շարք. «Վերք Հայաստանի» պատ-

մեկը: Ինչպես Նիկողայոս Ադոնցն էր ասում, այն մարդը, որը խաղաղ պիտի հանգչեր փառքի թավշյա բարձերին, կորավ անհայտության մեջ՝ անասելի մորմոք թողնելով հարազատների ու բարեկամների սրտերում: Շատերը փորձեցին լուծել այս խորհրդավոր անհետացման կնճիղը, սակայն իզուր, նույնիսկ մի ամբողջ կյանք նվիրեցին ոմանք՝ լուծելու, բացահայտելու առեղծվածը, բայց անարդյունք:

Տնօրենը միաժամանակ շնորհակալություն հայտնեց միջոցառմանը ներկա ԵՊՀ հայ բանասիրության ֆակուլտետի դեկան Արշալույս Գալստյանին՝ նրա աջակցության ու պատրաստակամության համար: Այնուհետև ներկայացրեց ցուցասրահում դրված «Վերք Հայաստանի» վեպի ձեռագիր օրինակը, որը իր հեղինակի պես ևս շատ դժվարին ճանապարհ է անցել: Առաջին անգամ տպագրվել է անհետացումից 10 տարի անց՝ նրա աշակերտ Գևորգ Աբիմյանի կողմից, իսկ հետագայում՝ խորհրդային գրաքննության պայմաններում, հնարավոր չէր վեպն ամբողջական տեսքով տպագրել: Ահա թե ինչ գո-

րական 1843թ. օգոստոսին՝ հետը տանելով մեր սերն ու արտասուքը: Սիրելի Արվյանցի խրատն աշակերտներիս միշտ այն էր, որ պիտանի լինեք մեր խեղճ ազգին, այսինքն՝ ժողովրդին: Մեզանից ամեն մի՛նը յուրովի ձգտել է հետևել այդ խրատին-վարժապետի ցուցումին: ... Հետագայում քանի՜-քանի՜ պարտաճանաչ, բարեխիղճ դասատուների պաշտպանել են, քանի՜-քանի՜ աղքատ ընդունակ պատանիների օգնել են՝ թոշակ նշանակել տալով: Այդ էս չեն արել, այլ Արվյանցի ներշնչած ոգին...»:

Հետագայում, Գևորգ Աբիմյան երախտագետ աշակերտը, Դորպատից վերադառնալով, պատվական հայ Ֆոնդոյան Հովսեփի հետ միասին, Արվյանի հեռանալուց 10 տարի անց՝ 1858թ., տպագրում է իր վարժապետի «Վերք Հայաստանի» վեպը: Միայն 1984 թ Վ Կ Լ Կ Ի Գ ր ականագետ Պիոն Հակոբյանի ջանքերով լույս տեսավ վեպը՝ ամբողջական տեսքով, որում ներառվեցին նաև ընծայականը և «Ձանգի» հավելվածը:

Վեպի հիմնական ուղերձը հավիտենական, հավերժող Հայաստանն է: Այն Խ.Արվյանի լուսավորական ծրագրերի խտացումն էր: «Վերք»-ը մեր նոր քաղաքակրթության շրջանի բացառիկ դրսևորումներից է, որով ներշնչվեցին մեր հետագա գրողները: Արվյանի դպրոցը շատ բեղմնավոր հետևորդներ ունեցավ: Օրվա միջոցառման ամենատպավորիչ մասը գրական դատն էր՝ նվիրված Արվյանի առեղծվածային անհետացման խնդրին, որը մեծ պատասխանատությամբ ու հիմնավոր առարկուններով, փաստարկներով ներկայացրին ԵՊՀ հայ բանասիրության ֆակուլտետի Ուսանողական գիտական ընկերության անդամները (ուսանողները տարբեր կուրսերից էին): Դատը վերաբացվում է հայ ժողովրդի պահանջով: Դատին «ներկա» էին Նիկողայոս Ադոնցը, Ակսել Բակունցը, Պիոն Հակոբյանը, Եղիշե Չարենցը, Վարշապ Ավետյանը, Արվյանի կինը՝ Եմիլիան և այլք: Դատն ընթանում էր դատական գործընթացի բոլոր կանոններով: Յուրաքանչյուր մասնակից ներկայացնում էր իր վարկածն ու փաստարկները: Հիանալ կարելի էր նրանց խոսքի ու լեզվամտածողության դրսևորումներով: Վարկածները բազմաթիվ էին: Մեկը փորձում էր ապացուցել, որ Մեծ լուսավորիչը գաղտնի մեկնել է Եվրոպա, տարվել Գարիբալդու ազատագրական պայքարով, մեկը առաջ է քաշում այն վարկածը, որ գրողը դարձել է դավադրի սպանության զոհ, մյուսը թե՛ աքսորվել է Սիբիր, քանզի նրա անունը կար ցարական չինովնիկների ցուցակում, մեկն էլ այն համոզման է, որ Արվյանը գիտակցված հեռացել է դեպի անհայտություն... Գիտական հիմնավորումներով

ու փաստարկված հակադարձումներով կազմակերպված դատական գործընթացը այդպես էլ չկարողացավ տալ գլխավոր հարցի՝ Խ.Արվյանի անհետացման առեղծվածի ճիշտ պատասխանը, որովհետև ոչ մի փաստարկ նրա անվանը չէր հարմարվում: Ի վերջո, դատավորը փակեց «գործը» և Արվյանին ճանաչեց Հավերժ ներկա: Պատահական չեն Ավետիք Իսահայանի խոսքերը՝ նրա անհետացման հետ կապված. «Ժողովրդի իմաստուն բնագործ նրան չի մեռցրել: Քարաշատ Հայաստանը նրա վրա քար չգցեց, որովհետև նա չի մեռել. նա գերեզման կունենա միայն հայ ժողովրդի հետ, իսկ հայ ժողովուրդը, ինչպես ամեն մի ժողովուրդ, հավիտենապես անմահ է: Նա երբեք չի մեռնի»:



մավեպի ձեռագիր տարբերակի ցուցադրություն՝ Գրականության և արվեստի թանգարանի հետ համագործակցությամբ, գրական դատ՝ Արվյանի անհետացման վարկածների բացահայտում՝ ԵՊՀ հայ բանասիրության ֆակուլտետի Ուսանողական գիտական ընկերության հետ համագործակցությամբ:

Շենքից ներս մտնողը չէր կարող չնկատել թանգարանի աշխատակիցների ջանքերը, որ ներդրվել էին այդ օրերին՝ նոր ու թարմ շնչով ներկայանալու հանդիսատեսին:

Ժամանակավոր ցուցադրության ցուցասրահում ներկայացված էր հայ գրականության մեծերի խոսքերը՝ ծոնված Արվյանին և նրա «Վերք Հայաստանի» վեպին: Ցուցադրության գլխավոր առանցքում 185-ամյա «Վերք»-ի բնօրինակ ձեռագիրն էր՝ որպես պատմական հիշողություն և սրբազան մասունք:

Հյուրերը ուշադրության պակաս չունեցան մշակութային այդ հյուրընկալ օջախում:

Տուն-թանգարանի տնօրեն Արևիկ Ստամբուլյանը, ողջունելով ներկայից, ընդգծեց, որ այդ օրը իրենք նվիրական երկու առիթ ունեն՝ Խ.Արվյանի առեղծվածային անհետացման 178-րդ տարին և «Վերք»-ի ստեղծման 185-ամյակը, որի մեկնարկը տրվում է հենց այդ պահից:

Այդ օրը՝ հին տոմարով ապրիլի 14-ին՝ 178 տարի առաջ, անհասկանալի հանգամանքներում անհետացավ հայ ժողովրդի երախտավոր զավակ Խաչատուր Արվյանը: Այդ անհետացումը առաջօր շարունակում է մնալ մեր գրականության, մշակույթի պատմության ամենաառեղծվածային ու ցավալի էջերից

րովանքով է իր վարժապետի մասին պատմում Գևորգ Աբիմյանը. «Վարժապետս շատ դասեր չունեցրեց Գավառական դպրոցում. ազատ ժամերին մեզ հետ էր պարապում՝ իրաօթևանում: Աշակերտներս ծաշում էինք նրա տանը, կերակուր էփողը, հացի պատրաստություն տեսնողը Եմիլիան կինն էր: Ինքը Արվյանցը մեզ հետ ճաշի չէր նստում: Նրա մոտ զննացող առաջին աշակերտը ես էի: Նրանից հետո, իրար նայելով, Թիֆլիսի ունևոր անվանի գերդաստաններն իրենց զավակներին ուղարկում էին Արվյանցի մոտ՝ Ներսիսյան դպրոց կամ գիմնազիա տալու փոխարեն: Աշակերտներս թվով 20-26 հոգի կլինեինք: Նրա օթևանը մեզ հազիվ էր տեղավորում. ողջ օրը լինում էինք Արվյանցի տանը...»

... Արվյանցը պանսիոնի աշակերտների անվանում էր որդեգիր: Բոլոր աշակերտներս նրա Թիֆլիսից հեռանալուց ետն էլ առանձին քաղցրությունով էինք հիշում նրան՝ նրա զարմանալի բարեսրտության համար, ամենիս վրա հոր տպավորություն էր թողել: Նա ամեն ջանք թափում էր, որ աշակերտներս ուսման մեջ թերի չմնանք, որևէ բարձր տեղ շարունակելու գնանք, մանավանդ թեք հնար ունենք, գնանք Դորպատ, ուր իրեն լավ ընդունել, պահել էին: Իր սուղ միջոցներից անգամ չէր խնայում ճանապարհածախս տալ, եթե աշակերտներից մեկը գնում էր Մոսկվա կամ Պետերբուրգ: Նրա պաշտոնակից ուսուցիչների չար նախանձն իրանն արեց և սիրելի վարժապետիս ոտի տակը փորեց, մնում էր նրան Թիֆլիսից հեռանալ, ուր այնքան քրտինք էր թափել: Նա մեկնեց

Արարատը մեր հավերժության խորհրդանիշն է, և պատահական չէ, որ Չարենցը նրան ուղեկցեց դեպի մեր սուրբ Լեռը («Դեպի լյառը Մասիս»):

... Գիշերը չէր քնել: Քրքրել էր թղթերը, երկար թերթել թերթերը բազմաթիվ: Օրագրեր, գրքեր, ձեռագրեր, Գրություններ՝ մնացած դեռ Դորպատից: Կյանքի նման իր բարդ, խառնիխուռը, լիքը, Իր խոհերի նման բազմապիսի, խոհեր՝ ուղղած դեպի սերունդները գալիք, Ճրագիրներ՝ կիսատ, կամ սկսված հազիվ: Ու՞մ էր թողնում բոլորը, ո՞ր սիրեցյալ սանին, Որպեսզի վաղը նա այդ թերթերից Գուրգուրանքով հաներ իր խոսքը կենդանի ել խնամքով հանձներ տպագրյալ գրին...

Եվ այժմ, մեծավոր նա գնում էր կրկին, դեպի հեռուն այն լուրթ, Դեպի լյառը անհաս ու վեհանիստ, Դեպի գազաքը բարձր, որ իր ժողովուրդը Համարել է հավետ իր գոյության խորհուրդը: Որ ճաշակի այնտեղ հավերժական հանգիստ ...

Վահան Տերյանի գնահատականը ևս հաստատում է, որ Արվյանը հայ ժողովրդի հավերժահոս պատմության քաղցր ու անլռելի կարկաչն է. «Մի՞թե Արարատյան դաշտը Հայաստան չէ, և նրա ոգին՝ Արվյանը, այդ Հայաստանի ամենալուսեղեն մի բեկորը չէ: Որպիսի՞ Հայաստան եք ուզում կառուցել դուք, որ չեք ուզում ծանաչել այդ հոգեղեն Հայաստանը»:

Միջոցառմանը մասնակցում էին նաև Արվյանի շառավիղներից Ջուլիետա Սահակյանը, Արվյանի կուռը՝ Սոֆյա Պետրոսյանը, ԵՊՀ հայ բանասիրության ֆակուլտետի դեկան Արշալույս Գալստյանը, որը շնորհակալություն հայտնեց տուն-թանգարանի աշխատակիցներին՝ ջերմ ու բովանդակալից համագործակցության համար:

Թանգարանի տնօրեն Արևիկ Ստամբուլյանն էլ իր երախտագիտությունը հայտնեց և՛ ուսանողներին՝ գեղեցիկ ներկայացման համար, և՛ Գրականության ու արվեստի թանգարանի աշխատողներին՝ «Վերք Հայաստանի» պատմավեպի բնօրինակ ձեռագիրը տուն-թանգարանին ժամանակավորապես տրամադրելու համար:

Այսօրվա խառնիճաղանջ իրականության պայմաններում, երբ շատերը հոգևոր սննդի քաղց են գզում, շատ պահանջված են դառնում այսպիսի միջոցառումները, որոնք որոշ չափով մեղմում են ոգու սովը:

Այսպես շարունակում են Արվյանի մեծության առեղծվածային կյանքի բացահայտմանը միտված քննարկումները:

ՍՐԱՎԱՅՐԵՐ

ՕՇԱԿԱՆ՝ ԴԱՏԱԿԱՆ ԱՆՅԱԼՈՎ ՈՒ ՆԵՐԿԱՅՈՎ

Մեր երկրի ամեն մի անկյուն պատմական մեծ անցյալ ունի, ամբողջ ու տաճար՝ նախաքրիստոնեական ու քրիստոնեական, այլ սրբավայրեր, կամուրջ ու բնակատեղիներ... Կան առավել հայտնի վայրեր, որոնցում տեղի են ունեցել մեր պատմության առաջնային իրողություններ:

Օշական. գյուղ է Հայաստանի Հանրապետությունում՝ Արագածոտնի մարզկենտրոն Աշտարակից քիչ հարավ՝ Քասախ գետի ափերին: Ինչպես բոլոր բնակավայրերը, Օշականն էլ ունի իր պատմությունը, պատմական ու ժամանակակից հուշարձանները: Հաճախ ենք լսում կամ կարդում, այսպես կոչված, «Օշականի ճակատամարտը» պատմական իրողության մասին: 336թ. տեղի է ունեցել ճակատամարտ

ասում, ողորմելի հառաչելով, նույնիսկ չհասա տեսնելու նրանց աչքերի փակվելը, լսելու նրանց վերջին ձայնն ու օրհնությունը...» (Երևան, 1990թ., «Հայաստան» հրատարակչություն, էջ՝ 236): Իսկ Մաշտոցի մահվան մասին հորեմացին գրում է. «Սուրբ Սահակի վախճանվելուց վեց ամիս հետո, մեհեկան ամսի տասներեքին, երանելի Մեսրոպն էլ այս աշխարհից փոխվեց Վաղարշապատ քաղաքում, գերազանցելով բոլոր առաքինի մարդկանցից, որպիսիք այն ժամանակ կային: Որովհետև ամբարտավանությունը և մարդահաճությունը նրա վարքում երբեք տեղ չգտան, այլ հեզ, բարյացակամ և բարեմիտ լինելով, երևում էր բոլորին՝ երկնայինների սովորությամբ զարդարված: Որովհետև նա հրեշտակի տեսք ուներ, ծննդական միտք, պայծառ էր խոսքով, գործերով ժուժկալ, մարմնով փառահեղ, սովորություններով անմեղ, խորհրդակցությամբ մեծ, հավատով ուղիղ, հուսով համբերող, սիրով անկեղծ, ուսուցանելիս անձանձրոյթ» (էջ՝ 243): Ինչպես գիտենք, Սուրբ Սահակ Պարթևը մահացել է 439թ. սեպտեմբերի 7-ին, Բագրևանդի Բլրոցաց գյուղում, իսկ Սուրբ Մեսրոպ Մաշտոցը՝ 440թ. փետրվարի 17-ին (մեհեկան 13)՝ Վաղարշապատում: Եվ հորեմացին,

Վահանը և նրա սպասավոր Թաթիկը, ինչից հետո նշանն աներևույթ եղավ: Իսկ եպիսկոպոսապետության աթոռին իբրև տեղապահ նստեց երանելի Մեսրոպի հրամանով նրա աշակերտը՝ Հովսեփ քահանան, որ Վայոց ձորից էր՝ Հողոցին գյուղից...» (էջ՝ 235): Հնարավոր է՝ Վաղարշապատից մինչև Օշական, որ իրարից շատ հեռու չեն, Սրբի մարմինը, մեծ թափորի ուղեկցությամբ, տարել են ձեռքի վրա: Երկնային շողքն ուղեկցել է թափորին: Արագածոտնը վաղ միջնադարում եղել է Ամատունի նախարարական տան եպիսկոպոսների տեսչության ներքո: Իսկ Օշականն Ամատունի նախարարների կենտրոն է դարձել Հայոց թագավոր Խոսրով Բ Արշակունու օրոք՝ 330-338 թվականներին: Նույն պատմիչները տեղեկացնում են՝ 3 տարի անց՝ 443թ., Վահան Ամատունին Մաշտոցի գերեզմանի վրա եկեղեցի է կառուցում: Կորյունը գրում է. «Իսկ երեք տարի անցնելուց հետո Վահան Ամատունու հաջողվեց՝ քրիստոսաբեր ջանքով սքանչելի տաճար կանգնել տաշած քանդակած քարերով և տաճարի ներսում շինեց Սրբի գերեզմանը: Նա Քրիստոսի կենդանարար մարմնի ու արյան սեղանի համար վայելուչ, գույնզգույն ոսկով, արծաթով ու բարեբախտ մարդու, եղբայրների հետ, երանության հասած Սրբի համար սպասավոր կարգեցին՝ ի փառս

ժամանակներում սկսեց այն ևս նորոգել, որ և արեց մեծ ծախսերով և աշխատանքով, մշակված քարով, մածուցիկ կրով մինչև ամբողջն ավարտեց մեր թվականի 1094 (1645թ.) տարում՝ ի փառս Աստծո» (Առաքել Դավիթեցի «Պատմություն» 1988-«Սովետական գրող», էջ՝ 277):

Օշականի եկեղեցու ներսում եղել է արձանագրություն, որը Հովի. Շահխաթունյանցի ընդօրինակմամբ այսպես է. «Ի թվականին ՉԼԷ(737+551=12882), ես՝ Գեշմարդս էի ամիրայ եւ Հալիկս ձեռնաւոր թողաք զգր Կարապետին այգեացն զԱշակաւնու, զՍիրիմու զձեռնաւորին զհարկն, զինչ որ կայր...» (ՇՍ 79, ՎՏ 130. Ա. Ա. Ավագյան. Վիմական արձանագրությունների բառարանություն. ԵՊՊ 1978 Երևան էջ՝ 164): 19-րդ դարում Գևորգ Դ կաթողիկոսը (1813-1882) ծավալել է շինարարական լայն գործունեություն: 1868-ին Վաղարշապատի Մայր Տաճարի արևելյան կողմում կառուցել է կցաշենք, որտեղ կազմակերպել է եկեղեցապատմական թանգարան, նորոգել է տվել Սուրբ Գայանե վանքը, այնտեղ կառուցել արևմտյան կամարակապ դարպասը, կառուցել է Մայր Աթոռի միաբանների բնակելի շենքերը, Բյուրականի կաթողիկոսական ամառանոցը, 1875-1879թթ. վերակառուցել է Օշականի Սուրբ Մեսրոպ Մաշտոց եկեղեցին և այլն:

Այժմ Օշականի եկեղեցու արևմտյան զլխավոր մուտքի վերին հատվածում սպիտակ մարմարե քարին կա հետևյալ արձանագրությունը. «ՈՂՈՐՄՈՒԹԱՄԲԼ ԱՍՏԾՈՅ ՍՐԲԱՋԱՆԱՎԱՍԱՐ ՀԱՅՐԱՄԵՏ ԱՄԵՆԱՅՆ ՀԱՅՈՑ Տ.Տ.ԳԵՈՐԳ Դ. ԿԱԹՈՒՂՈՍ ԿԵՐԱՎԱՐՈՒՄ Ի ՀԻՄԱՆՑ ՋԱՅՍ ԵՎԵԴԵՑԻ ՕՇԱԿԱՆ ԳԵՂԵՍ ԵՒ ԶԿԱՄԲԱՐԱՆ ՍՐԲՈՅ ՄԵՍՐՈՊԱՏ ԹԱՐԱՄԱՆՉԻ ՄԵՐՈՅ ՈՐ Ի ԱՄ. ՏՐՈՔ ՀԱՅՈՑ ՈՒՍԱՍԱՍԱՆԻ ՅԱՄԻ 1879 ԵՒ ՀԱՅՈՑ ՌՅԻԹ»:

1879 թ. հոկտեմբերի 21-ին Օշականի եկեղեցին օծվել է: Ամիսներ անց՝ 1880 թվականին, եկեղեցու հարավային կողմում, Վահան Ամատունու գերեզմանի վրա, կանգնեցվել է հուշակոթող՝ «ՎԱՅԱՆ ԱՄԱՏՈՒՄ» ԻՇԽԱՆ ՀԱՅՈՑ» գրությամբ: Իսկ 1884 թ. եկեղեցուն արևելքից կցել են երկհարկ, 8-սյունանի ռոտոնդայով պսակված զանգակատուն՝ գլանաձև ծավալով և Ավագ խորանից բացվող մուտքով: Մասնագետները գտնում են՝ սա բացառիկ է հայ եկեղեցաշինական ճարտարապետության մեջ: Այժմ եկեղեցու հարևանությամբ կա դպրատուն, որը կառուցվել է 1913 թվականին և հիմնանորոգվել Ամենայն հայոց կաթողիկոս Գարեգին Ա-ի առաջնորդությամբ՝ 1996-ին: Եկեղեցու ետնաբակում է գտնվում նաև հայ գրերի պուրակը և Մաշտոցի արձանը: Ամբողջը քանդակված է կարմիր տոֆից: 1997 թ. եկեղեցու արևմտյան կողմում ժ. և Յ. Գաբրիելյանների բարերարությամբ կառուցվել է առաջնորդարանի շենքը (ճարտարապետ՝ Յ. Բաբախանյան): Սուրբ տաճարի պատերը ներքուստ նկարազարդվել են: Արևմտյան պատին Յ. Մինասյանի և Յ. Մամյանի «Փառք հայ գրի և դպրության» որմնանկարն է: Հարավային պատին կանգուն և ծնրադիր նետածիզ զինվորներն են, նրանց գլխավերևում՝ ուժի, հայրենիքի կենսունակության խորհրդանիշ թևատարած արծիվը: Հյուսիսային պատին պատկերված է Հայաստանի զարուհը՝ ծաղկած ծառերով, զվարթ աղջիկներով և այլն: 1995թ. եկեղեցու արևմտյան կողմում կանգնեցվել է քառակող հուշակոթող՝ արևելյան կողմին հայոց այբուբենն է քանդակված՝ տակը՝ Աստվածաշնչյան հայտնի «Ճանաչել զիմաստութիւն և զխրատ, իմանալ զբանս հանցճարոյ» խոսքը՝ հայերեն գրված առաջին նախադասությունը: Հարավային կողմում արևային ժամացույց է և այլ գրություններ ու քանդակներ:



Մագթթաց Արշակունիների և Մեծ Հայքի Արշակունյաց թագավորության բանակի միջև: Ճակատամարտն ավարտվել է հայոց զորքի հաղթանակով: Այս առթիվ 5-րդ դարի պատմիչ Փավստոս Բյուզանդը գրում է. «...Երբ թշնամիները տեսան նրա հարձակումն իրենց վրա, քաղաքից (Վաղարշապատից. Ջ. Ը.) դուրս եկան, փախան դեպի առապարը, Օշական բերդի կողմը՝ ապավինելով այն անապատին ու քարքարուտ տեղերին: Ասասիկ պատերազմ եղավ: Եվ Հայոց զորավարի (Վաչե Մամիկոնյան Ջ. Ը.) նիզակակիցները, որ էին Բագրատ Բագրատունին, Մեհուդակ և Գարեգին Ռշտունիները, Ամատունյաց տոհմի նախարար Վահանը, Վարազ Կամիականը, հասան, խփեցին, կոտորեցին ալանների, մասթրոների, հոների ու մյուս ազգերի զորքերը...» (Փավստոս Բյուզանդ «Պատմություն Հայոց». էջ՝ 76-77: Երևան, «Հայաստան» հրատարակչություն, 1968թ.): Օշականը հայտնի է նաև ռուս-պարսկական 1826-28 թթ. պատերազմի տարիներին տեղի ունեցած իրադարձություններով: Գյուղի տարածքում ռուս-հայկական զորքերը, Աֆանասի Կրասովսկու գլխավորությամբ, 1828թ. օգոստոսի 17-ին հաղթեցին պարսիկ Աբաս-Միրզայի բանակին:

Բայց և մեր ժողովրդին, և շատ օտարների Օշականը հայտնի է՝ կապված Սուրբ Մեսրոպ Մաշտոցի հետ: Օշականի Սուրբ Մեսրոպ Մաշտոց եկեղեցին, որը 1996 թվականից Արագածոտնի թեմի առաջնորդափստն է, գտնվում է գյուղի մեջ՝ Քասախ գետի ձախ ափին՝ հնգաթափիչ կամրջի հարևանությամբ: Ըստ պատմական մի շարք աղբյուրների՝ ժամանակակից եկեղեցին կառուցվել է 5-րդ դարում Վահան Ամատունի իշխանի կողմից կառուցված եկեղեցու տեղում: Հայոց Քերթովահայրը՝ Մովսես հորեմացին, որը եղել է Մեսրոպ Մաշտոցի աշակերտներից և նրա հանձնարարականով ընկերների հետ ուսման է գնացել Բյուզանդիա, երբ վերադառնում է, արդեն մահացել էին Ամենայն Հայոց 10-րդ կաթողիկոս Սահակ Պարթևը և Մաշտոցը: Խորեմացին իր «Հայոց պատմություն» մատյանի ԿԸ «Ողբ» գլխում գրում է. «...Եվ մինչ նրանք սպասում էին մեր դարձին, որ փառավորվեին իմ անիմաստ գիտությամբ և լիակատար պատրաստությամբ, և մենք էլ Բյուզանդիայից շտապ-շտապ դիմելով, հույս ունենալով հարսանիքներում պարել, խիզախ և արագ շարժումներով, և առաջաստի երգեր երգել, այժմ, այդ ուրախության փոխարեն, գերեզմանի վրա ողբեր են

և Մաշտոցի կենսագիր Կորյունը հետաքրքիր երևույթի մասին էլ են նկարագրում: «Ինչպես լսեցի բազմաթիվ և արժանահավատ անձերից, խաչի ձևով աղոտ լույս էր շողում այն տան վրա, որտեղ երանելին հոգին ավանդեց: Եվ շուտով չանհետացավ այս շողը, քչերին տեսնելի չեղավ, այլ՝ բոլոր բազմությանը, այնպես որ շատ անհավատներ մկրտվեցին» (Մ. Խորեմացի «Հայոց պատմություն» էջ՝ 234-235): Կորյունը գրում է. «Եվ մինչդեռ Սրբի ձեռքերը կարկառված էին դեպի երկինք, խաչանման, լուսավոր շողավոր ձևով սքանչելի տեսիլ երևացայն ապարանքի վրա, ուր վախճանվում էր երանելին. և ամեն մարդ ինքը տեսավ այդ, և ոչ թե ընկերը պատմեց: Եվ նա սրբերին սեր ու միաբանություն ավանդեց, մերձավորներին ու հեռավորներին օրհնությամբ պսակեց և հաճույական աղոթքը Քրիստոսին հասցնելով՝ հանգավ» (Կորյուն «Վարք Մաշտոցի» էր 96-97, Երևան 2005, ԵՊՀ հրատարակչություն): Կորյունը, որը ներկա է եղել, հիշատակում է՝ այդ օրը Սրբի մոտ են եղել նրա աշակերտներից հոգևորականներ Հովսեփը, Թադիկը, զինվորականներից՝ Վահան Ամատունին՝ Մեծ Հայքի հազարապետը, Հմայակ Մամիկոնյանը (Վարդան Մամիկոնյանի եղբայրը), այլք: Պատմիչները նաև նկարագրում են, թե ինչպես են ներկա իշխանները որոշել որտեղ հուղարկվորեն Սրբին: Գրում է. «Վահանն ու Հմայակը, աշխարհական բազմության հետ, վերցրեցին նրան վախճանվածի պատրաստությամբ, սաղմոսներով և օրհնությամբ ու հոգևոր ցնծություններով, վառած կանթեղներով ու... բարձրացան Օշական և այնտեղ մարտիրոսարանի մեջ դրին...» (էջ՝ 97): Սա վկայում է՝ դեռևս այն ժամանակ Օշականում եղել է Սուրբ-Մարտիրոսների հանգստարան: Խորեմացին գրում է, որ կար 3 կարծիք՝ Սրբին հուղարկվորել կամ Տարոնում՝ իր ծննդավայրում, կամ Գողթնում, կամ Վաղարշապատում՝ սրբերի հանգստարանում: «Բայց հաղթեց քաջ Վահան Ամատունին, որ ավելի ջերմեամբ էր հավատով և հզոր էր մարմնով, քանզի պարսիկներն այդ ժամանակ նրան էին վստահել մեր Հայոց աշխարհի հազարապետությունը: Նա մարմինը վերցրեց և արժանավայել հուղարկվորությամբ տարավ իր գյուղը՝ Օշական: Եվ նույն լուսեղեն խաչի երևույթը դագաղի վրա գնում էր դեմ հանդիման բոլոր ժողովրդին, մինչև նրան հողին հանձնեցին



Աստծո» (էջ՝ 97): Սուրբ Մաշտոցի մահվան հաջորդ տարին իսկ սահմանվեց հատուկ տոն նրա հիշատակին. Սրբի գերեզմանը դարձել է ուխտատեղի:

Օշականի ներկայիս Սուրբ Մաշտոց եկեղեցու մասին հիշատակություններ են թողել նաև հետագա դարերի պատմիչները: Թովմա Արծրունի և Անանուն «Պատմություն Արծրունյաց տան» գրքում (Երևան 1985թ. ԵՊՀ հրատարակչություն) կարդում ենք. «Երբ այս ամենը կատարվեց, Սուրբ Սահակը, 120 տարի ապրելուց հետո, այս աշխարհից փոխվեց հրեշտակների կարգը: Սրբի մասունքները տարան ամփոփեցին Տարոնի Աշտիշատ ավանում, Սուրբ Հովհաննես Այրտչի և Աթանազիանե նահատակի վկայարանի տեղում: Վեց ամիս անցնելուց հետո, նույն տարում վախճանվեց նաև Սուրբ Մաշտոց վարդապետը: Հայոց նախարարների բազմությունը, Վահան Ամատունու ղեկավարությամբ, որն այդ ժամանակ Հայոց սպարապետն էր, խաչի ձև ունեցող լույսի ուղեկցությամբ տարան և թաղեցին Արագածոտն կոչվող գավառի Օշական գյուղում» (էջ 121): Առաքել Դավիթեցի պատմիչը «Պատմություն» գրքում հիշատակում է. «Նաև Աստծու փառքի հոյակապ, լայնմիտ, բարձրապետ տաճարը՝ Սուրբ Մեսրոպ մեծ վարդապետի հանգստարանը, այն Մեսրոպի, որ Հայոց գրերը գտավ. ինչպես որ նրա պատմության խոսքերն են ասում, թե նրան տարան ամփոփեցին այն գյուղում, որ անվանվում է Օշական: Արդ՝ Սուրբ Մեսրոպ վարդապետի այս տաճար-հանգստարանի ողջ տանիքը վաղ ժամանակներից փլվել, նստել էր, միայն ավագ խորանն էր մնացել ծածուկ: Եվ Սուրբ հայրապետ Փիլիպոսն իր կաթողիկոսության

ՄՅԱԿՈՒՅՑ

ԿԱՐԵՎՈՐ ՔՆՆԱՐԿՈՒՄ՝ ՆԿԻՐՎԱԾ ՀՈՒՇԱՐՁԱՆՆԵՐԻ ՈՒ ՏԵՍԱՐԺԱՆ ՎԱՅՐԵՐԻ ՊԱՇՏՊԱՆՈՒԹՅԱՆԸ

1972թ. նոյեմբերի 16-ին ՅՈՒՆԵՍԿՕ-ի գլխավոր կոնֆերանսն ընդունել է «Մշակութային և բնության համաշխարհային ժառանգության պահպանման կոնվենցիան»: Իսկ 1982 թ. Հուլիսի 18-ին Եվրոպայի վայրերի միջազգային խորհուրդը (ՀՏՎՄԽ անգլ.՝ ICOMOS), կարևորելով հուշարձանների ու տեսարժան վայրերի դերն ու պաշտպանությունը, ապրիլի 18-ին արել է առաջարկություն հատուկ օր ընդունել այդ առթիվ: Մեկ տարի անց ՅՈՒՆԵՍԿՕ-ի Գլխավոր ասամբլեայի որոշմամբ նույն օրը՝ ապրիլի 18-ը, հայտարարվել է Հուշարձանների ու տեսարժան վայրերի պահպանման միջազգային օր: Հայաստանի Հանրապետությունը կոնվենցիան վավերացրել է 1993 թ. սեպտեմբերի 5-ին:

Օրվա առթիվ Հայաստանի պատմության քանդախառնի(ՀՊԹ) դաիլիճում տեղի ունեցավ «Հուշարձան-համայնք փոխհարաբերությունները. հնարավորություններ և մարտահրավերներ» խորագրով պանելային քննարկում: Բանախոսությամբ հանդես եկան ՀՀ ԿԳՄՍ նախարարության Պատմության և մշակույթի հուշարձանների պահպանության վարչության պետ Հարություն Վանյանը և Երևանի պետական համալսարանի մշակութաբանության ամբիոնի վարիչ, պատմաբան, մշակութաբան, հնագետ, պ. գ. դ., պրոֆեսոր Համլետ Պետրոսյանը: Բնակարանում վարեց ՀՊԹ գիտական գծով փոխտնօրեն Նժդեհ Երանյանը: Ներկա էին ՀՊԹ տնօրեն Դավիթ Պողոսյանը, աշխատակիցներ, հնագետներ, զբոսավարներ, ուսանողներ, թեմայով հետաքրքրվողներ: Ողջունելով ներկայիցին՝ Ն. Երանյանն ասաց. «Մշակութային ժառանգության պահպանության ոլորտը գտնվում է շարունակական փոփոխության մեջ՝ արձագանքելով թե՛ ժամանակակից մարտահրավերներին, թե՛ նոր հնարավորություններին: Հայաստանում վերջին տարիներին համայնքների դերակատարման զգալի ակտիվացում է նկատվում՝ հատկապես ժառանգության պահպանության և հանրահռչակման գործընթացներում: Սա կարևոր զարգացում է, սակայն միևնույն ժա-

մանակ առաջ է բերում համակարգման, մասնագիտական ուղղորդման և կառավարման նոր խնդիրներ»: Նշեց նաև՝ հաճախ պատմական հուշարձանների խնդիրներով զբաղվող գերատեսչությունների աշխա-



տանքը, հատկապես վերականգնողական, վերակառուցման, նորոգման, ամրակայման և այլն, տեղի է տալիս քննադատությունների, հատկապես սոցիալական ցանցերում: Բերեց օրինակ Լոռու մարզի Ամրակից գյուղում գտնվող ռուսական եկեղեցու վերականգնումը, որն իրականացվել է 2025-ին: Իր խոսքում Հ. Վանյանը, շնորհավորելով ներկայիցին Հուշարձանների և տեսարժան վայրերի միջազգային օրվա առթիվ, կարևորեց համայնքի և տեղի պատմական ժառանգության փոխհարաբերությունները: Ասաց. «Համայնքներում բնակչության կողմից հուշարձանների նկատմամբ հոգատար վերաբերմունք ձևավորելու, այդ ժառանգությունը գնահատելի դարձնելու նպատակով կարիք կա, որ մարդիկ նախևառաջ ճանաչեն հուշարձանն ու իրագրել լինեն դրա պատմական արժեքի մասին: Այս առումով շատ կարևոր է, որ հատկապես երիտասարդ սերունդը գիտակցի պատմամշակութային ժառանգության պահպանության կարևորությունը»: Անդրադառնալով Ամրակիցի հարցին՝ նշեց՝ այստեղ մոտեցումների հետ կապված՝ իրար հետ հարաբերելու հարց ունենք: Այսինքն՝ նույն համայնքում նախ պետք է ճանաչեն ժառանգությունը: Շատ

հաճախ նույն համայնքում ապրող չգիտի գիտական առումով ինչ կարևոր հուշարձան ունեն. ենթադրենք՝ դամբարանադաշտ, բնակատեղի... «Այս առումով որոշակի աշխատանքներ արվում են ԿԳՄՍ նախարարության կողմից համայնքներում: Իրականացվում են աշխատանքներ երիտասարդների, դպրոցականների հետ: Մի քանի տարի առաջ կազմակերպվել էին օլիմպիադաներ պատմական ժառանգության թեմաներով: Վերջին փուլին Լոռու մարզից մասնակցել են ավելի քան 200 աշակերտ, Տավուշի մարզից՝ 100-ից ավելի: Դրանք հաղթողներն էին, իսկ մասնակիցներն ավելի շատ էին: Կա մեկ այլ կարևոր նախաձեռնություն՝ «Եվրոպական ժառանգության երիտասարդ ստեղծագործողների մրցույթ»-ը, որի շրջանակներում արդեն երրորդ տարին մասնակցելով՝ Հայաստանը հաղթանակ է գրանցում Եվրոպայում անցկացվող փուլում: Այս մրցույթում Հարություն Վանյանը կարևորել է պատանիների ընտրության ազատությունն ու հուշարձանների ընկալումը, դրանց վերաբերյալ նրանց յուրօրինակ մեկնաբանությունները: Երիտասարդներին տրվում է առաջադրանք՝ ներկայացնել իրենց շրջապատի ժառանգությունը՝ նյութական, ոչ նյութական, այսինքն՝ այն, ինչ նրանք համարում են ազգային ժառանգություն»: Հավելեց նաև՝ արդեն մեկնարկել է նոր ծրագիր. յուրաքանչյուր դպրոցի կցվել են իրենց տարածքի հուշարձանները, որի նպատակն է հուշարձանի պահպանությանն աջակցումը, տարածքի մաքրումն ու բարեկարգումը:

Համլետ Պետրոսյանը կարևորեց այն, որ համայնքներում արդեն գիտեն՝ մշակութային արժեք ներկայացնող Ռոսահայտ գտածոների համար ուն դիմեն: Մաստաճ օրինակով ներկայացրեց Լոռու մարզի Լեռնահովիտ գյուղում գտնված քառակող քանդակագործ կոթողի մասին, որն արդեն պատմության թանգարանի ցուցանմուշ է: Համայնք-հուշարձաններով զբաղվող իրավասու կազմակերպություն կապի համար կարևորեց նաև այն, որ նույն կոթողի ցու-

ցադրության բացմանը ներկա էր լեռնահովիտից կինը, որի բակում գտնվել էր կոթողը: Կարևորեց նաև այն, որ տարածքներում աշխատող հնագիտական արշավախմբերը համագործակցեն տեղի երիտասարդության, աշակերտների հետ: Օրինակ բերեց, որ այժմ Տավուշի մարզի Առաքելոց վանքում աշխատում են հնագետները, և նրանց հետ հաճախ համագործակցում են տարածքի աշակերտներն ու երիտասարդները: «Ժառանգությունը միայն հուշարձանը չէ. այն մարդ-հուշարձան հարաբերություններն են, որոնք ձևավորում են նաև այդ հուշարձանի մասին պատկերացումները», - ասաց Հ. Պետրոսյանը:

Բանախոսության վերջում եղավ քննարկում: Ներկայիցիները տարբեր խնդիրներով դիմեցին իրավասու անձանց՝ մեր երկրի տարածքում գոյություն ունեցող հազարավոր հուշարձանների խնդիրներին վերաբերող: Կարևորվեցին հուշարձանների մոտ ցու-



ցանմուշների տեղադրելը, հները նորով փոխելը, առավել կարևոր հուշարձանների պահպանությունը, տեղացիների կողմից հուշարձանների վերանորոգումը, բարեկարգումը, այլ հուշարձանների տեղադրումը, որոնք խաթարում են հուշարձանի կարևորությունը և այլն:

Ջոհրաբ ԸՈՒԲՈՅԱՆ

Սերունդ

ԱՐԴԵՆ՝ 10-ՐԴ ԱՆՎԱՄ

«Ճիշտն ասած, ինձ համար ամենահիշվող Աշոտ Նավասարդյանը ոչ թե խորհրդարանում էր կամ ՀՀԿ գրասենյակում՝ հարցազրույց տալիս, այլ «Էրեբունի» օդանավակայանում: 1992-ի գարունն էր՝ Աշոտն իր ընկերների հետ պատրաստվում էր ուղևորվել մեկնել ռազմաճակատ: Ձիվորական համազգեստով էր, ինքնաձիգը՝ ձեռքին: Ուժեղ էր, ինքնավստահ, հպարտ: Եվ՝ ուրախ...»:
Արամ Աբրահամյան 29. 03. 2005թ.

հատուկ ռեժիմի պայմաններում: Վերադառնալով քաղաքից՝ 1989թ. «Ազգային ինքնորոշում միավորում» կազմակերպության խորհրդի անդամների հետ հիմնադրել ու ղեկավարել է «Անկախության բանակ» ռազմաքաղաքական կազմակերպությունը:



Մինչև մահը մեծ աշխատանքներ է կատարել նորակախ հայրենիքի կայացման շեմին: Սրտի իշեմիկ հիվանդության պատճառով մահացել է 1997թ. նոյեմբերի 3-ին՝ 47 տարեկանում:

Մրցույթ-խաղին մասնակցեցին դպրոցում գործող 7 հինգերորդ դասարանների աշակերտները՝ յուրաքանչյուր թիմում՝ 6 հոգի: Թիմերը կոչվում էին հայ արքայական տոհմերի անուններով: Երվանդունիներն արքայական տոհմի անունը կրում էր 5-րդ Ա դասարանը (դաստիճակ՝ Հասմիկ Ղազարյան): Մասնակիցներ՝ Ալեն Մանուկյան, Գոհար Քջյան, Նարե Կիրակոսյան, Դավիթ Կարա-

պետյան, Էվա Պետրոսյան և Ռոբերտ Հակոբյան: Արտաշեսյանների տոհմը ներկայացնում էր Իրինա Գրիգորյանի 5-րդ Ձ դասարանը՝ Աշոտ Մանուկյան, Ինգա Սարգսյան, Ռուզաննա Հովսեփյան, Միհր Ալեքսանյան, Նատալի Գրիգորյան և Մարինա Քուր-


դոլյան: Արշակունիներ անունով հանդես եկավ 5-րդ Դ դասարանը (դաստիճակ՝ Արփի Ասրյան), մասնակիցներ՝ Հասմիկ Հայրապետյան, Արիանա Բաբայան, Գագիկ Մարգարյան, Ավետիք Չոլոյան, Նարեկ Կոչոտյան և Սամվել Ավուշյան: Հայոց Բագրատունի արքայական տոհմը ներկայացրին Աշոտ Նավասարդյանի դստեր՝ Արուսյակ Նավասարդյանի դասարանի սա-

Հովսեփյան, Քրիստինա Մելիքյան: 5-րդ Բ դասարանը կոչվում էր օրվա հերոսի՝ Աշոտ Նավասարդյանի անունով՝ «Նավասարդյանականներ»: Իր դասարանից Մարգարիտա Ղազարյանը թիմի կազմ էր վերցրել Աշոտ Ավետիսյանին, Գայանե Արյանին, Արսեն Հովսեփյանին, Սեդա Գալստյանին, Էլիզա Խաչատրյանին և Ռաֆայել Միրզոյանին:

Մրցույթ-խաղը վարեց նախաձեռնող ու



հեղինակ Աննա Դավթյանը: Սկզբում Ա. Դավթյանն անդրադարձավ արդեն ավանդույթ դարձած մրցույթ-խաղի 10-ամյա պատմությանը՝ տեղեկացնելով, որ դաիլիճում ներկա է մրցույթի առաջին մասնակիցներից Ա. Նավասարդյանի թոռնուհին, տատի՝ Ա. Նավասարդյանի կնոջ՝ Հասմիկ Նավասարդյանի ուղեկցությամբ: Համեմատման կազմում էին մրցույթի հարցերի հեղինակները՝ դպրոցի ուսուցիչներ:



ՄԱՐԶԱԿԱՆ ԱՐՑԱՍ

ԱՐՁԱՆՑԻ ՄԱՐԶԻԿ ԿԱՐԵՆ ՍԱՐԳՍՅԱՆԸ ԵՐԵՔ ԱՆՉԱՍ ՈՍԿԵ ՄԵՂԱԼ ՆՎԱՃԵՑ

Վերջերս Մոսկվայում կայացած «Սամբոյի հիմնադիրների գավաթի» խաղարկության ժամանակ ոսկե մեդալ է նվաճել Հայաստանը ներկայացնող, մեծահասակների Եվրոպայի բրոնզե մեդալակիր, Աշխարհի գավաթի հաղթող, միջազգային մրցաշարերի մրցանակակիր, արցախցի մարզիկ Կարեն Սարգսյանը:

Կարեն Սարգսյանը Հայաստանի հավաքականի միակ մարզիկն է, ում հաջողվեց մեդալ նվաճել այս միջազգային մրցաշարում, այն էլ՝ բարձր կարգի՝ ոսկե մեդալ: Նա հանդես եկավ 58 կգ քաշային կարգում՝ մարզական սամբոյի կազմում: Անցկացրել է երեք գոտեմարտ: Մեկնարկում 5:0 հաշվով հաղթել է ռուս մրցակցին: Հետո, վաղաժամ ձեռքի կտորող հնարք կիրառելով, պարտության մատնեց Ղազախստանի ներկայացուցչին: Եզրափակչում էլ կրկին վաղաժամ, ոտքի ցավեցնող հնարքով հաղթեց մյուս՝ ռուս մրցակցին: Նրա խոսքով՝ ամենաբարդը առաջին գոտեմարտն էր: Ուրախ է, որ կարողացավ հաղթել ու բարձր պահել մեր երկրի պատիվը: Հայաստանի հավաքականը նրա այդ մեկ ոսկե մեդալի շնորհիվ զբաղեցրեց երկրորդ պատվավոր տեղը թիմային առաջնությունում:

Այս հաղթանակը պատահական չէր, սա բավականին երկար ու ծանր պարապմունքների արդյունքն է: Յուրաքանչյուր օր մարզիկը մի փոքր ավելի ուժեղ էր դառնում: Հատուկ շնորհակալություն է հայտնում անձնակազմի մարզչին՝ Արմեն Աղամյանին՝ իրեն հավատալու, աջակցելու, ճիշտ ուղու վրա պահելու համար: Այս մրցաշարը առաջինն էր այս տարվա մեջ, որին մասնակցեց Կարենը ու հաղթեց եւ հույսով լցված է, որ ամբողջ տարվա ընթացքում էլ իրեն կհաջողվի հաղթել:



Առաջին տեղը գրավեց ՌԴ-ն, իսկ երրորդը՝ Ղազախստանի հավաքականը:

Կարենն ասում է, որ այս հաղթանակը իրեն նոր մոտիվացիա տվեց: Այս մրցաշարը շատ կարելի էր որ միայն իր, այլև սամբոյով զբաղվողների համար, քանի որ այն նվիրված էր մարզածեղի հիմնադիրների պայծառ հիշատակին: Կարենի համար շատ մեծ պատիվ էր մասնակցել այս մրցաշարին ու հասնել ոսկե մեդալի: Նա համարում է, որ շատ կարելի է ունենալ մեծ կամքի ուժ եւ համառություն

մինչև վերջ պայքարելու համար: Կարեն Սարգսյանը Արցախի Շուշի քաղաքից է: 2023 թվականի սեպտեմբերին նա էլ ստիպված եղավ տեղահանվել ու բնակվել Երեւանում: Ասում է, որ ինչ էլ լինի, երբեք չի կարողանա համակերպվել այս դաժան իրողությանը՝ մեր դարավոր բնօրրանի կորստի հետ: Մինչդեռ հպարտ է, որ ներկայացնում է Հայաստանը եւ նրա պատվին միջազգային մրցահարթակում հնչում է հայկական հիմնը: «Անեն ծանր մարզում, ամեն մի կաթիլ քրտինք մի նպատակ ունի՝ մի օր կանգնել պատվանդանին ու լսել քո երկրի հիմնը: Այդ պահին դու այլևս միայն մարզիկ չես, դու քո դրոշմ ես, քո պատմությունն ու քո ուժը», - ասում է Կարեն Սարգսյանը:



YEREVAN 2026

ՄԱՐԶԻԿՆԵՐԻ ԵՎ ՄԱՐԶԻՉՆԵՐԻ ՀԱՋՈՂՈՒԹՅԱՆ ՀԱՍՆԵԼՈՒ 10 ՓԱՂՏՆԻՔ

Արցախցի մեր մարզիկները, մարզիչները, մարտարվեստների նվիրյալ հետևորդները շարունակում են ոգևորել մեզ իրենց աչքի ընկնող ձեռքբերումներով եւ իրենց նպատակներին անսահման նվիրվածությամբ: Նրանց հաջողությունը պատահական չէ, այլ համառ աշխատանքի, տոկունության եւ խորացված հոգեբանական պատրաստվածության արդյունք:

Դիտարկենք 10 գաղտնիք, որոնք մարզական Արցախի վառ դեմքերի հաջողության հիմքում են եւ հասկանալի, թե ինչ դասեր կարելի է քաղել նրանց փորձից՝ մեր սեփական նպատակներին հասնելու համար:

Նպատակասլացություն եւ մոտիվացիա
Լավագույն մարզիկներն իրենց առջեւ դնում են հստակ եւ պատվախնդրային նպատակներ: Նրանց մոտիվացիան ու նվաճումների հասնելու ձգտումը նրանց շարժիչ ուժն է:

Պարբերականություն եւ մարզումներ
Պարբերական մարզումները, մշտապես կատարելագործվելու եւ ֆիզիկական վիճակն ու հմտություններն անընդհատ զարգացնելու ձգտումը նրանց հաջողության հասնելու անբաժանելի մասն են:

Սթրեսների կառավարում
Մարզվողները սովորում են արդյունավետ կառավարել սթրեսները, տագնապները, որն օգնում է նրանց պահպանել բարձր արդյունավետություն ամենադժվար իրավիճակներում:

Անդադար կատարելագործում
Մարզաշխարհի մեր «գանձերից» յուրաքանչյուրը երբեք կանգ չի առնում ձեռքբերածի վրա: Նրանք անընդհատ փնտրում են ուղիներ իրենց հմտությունների եւ մոտեցումների կատարելագործման համար:

Աջակցություն եւ թիմ
Յուրաքանչյուր հաջողակ մարզիկի հետեւում պրոֆեսիոնալների թիմ կա՝ մարզիչներ, հոգեբաններ, ֆիզիոթերապեւտներ: Նրանք ստեղծում են աջակցության ու աճի մթնոլորտ:

ճկունություն եւ հարմարվողականություն
Լավագույն մարզիկները պատրաստ են հարմարվել փոփոխություններին, լինել ճկուն եւ արագ փոխել իրենց մոտեցումը՝ կախված հանգամանքներից:

Գիտելիքներն եւ ուսանելուն ձգտելը
Հաջողակ մարզիկներն ու մարզիչներն անդադար սովորում են: Ուսումնասիրում են մարզանքի ճիշտ մեթոդներ, վերլուծում են իրենց ելույթներն ու պարապմունքները եւ դասեր են քաղում ապագայի համար:

Դրական մտածողություն եւ վստահություն
Դրական մտածողությունը եւ ինքն իրեն հավատալը կարելի էր եւս խաղում հաջողության հասնելու գործում: Սեփական ուժերին վստահ լինելը օգնում է հաղթահարել դժվարությունները:

Համբերություն եւ համառություն
Մարզաշխարհի կարկառուն ներկայացուցիչները գիտեն, որ հաջողությունն ակնթարթորեն չի գալիս: Նրանք պատրաստ են համբերել եւ շարունակել ջանքեր գործադրել՝ անկախ ժամանակից եւ դժվարություններից:

Ընդմիջումներ եւ հանգիստ
Հանգիստը եւ ուժերի վերականգնումը նույնչափ կարեւոր են, ինչքան մարզումները: Մարզիկները հասկանում են ինտենսիվ

պարապմունքների եւ հանգստի միջեւ բալանսի կարեւորությունը: Ինչպես նաեւ շատ մարզիկներ եւ մարզիչներ կիրառում են հանգստացնող տեխնիկաների տարբեր ձևեր, օրինակ՝ հոգեմկանային մարզումներ, շնչառական գիմնաստիկա, մեդիտացիա:


Եզրակացություն
Արցախցի մեր մարզիկների ու մարզիչների հաջողությունը ոչ միայն ֆիզիկական պատրաստվածության, այլև խորը հոգեբանական տրամադրվածության եւ ջանքերի արդյունք է: Նրանց փորձը կարող է ծառայել մեզ համար որպես լավագույն օրինակ մեր սեփական նպատակներին հասնելու եւ մեր ներուժը իրացնելու համար:

Հաճախ կարողացեք մեր մարզիկների ու մարզիչների մասին, հնարավորության դեպքում բաց մի թողեք նրանց հետ մոտիկից շփվելու հնարավոր պահերը: Դա կօգնի լինել ավելի մոտիվացված, նպատակասլաց, վստահ, եւ իհարկե հիացմունքի զգացողություններ կտան:

Սոնյա ԱՎԱԳՅԱՆ



Արմեն Դեմիրյան



Արման Ավանեսյան



Տիգրան Գեմրոյան



Արթուր Առուշանյան



Դավիթ Հայրապետյան



Անդրանիկ Գրիգորյան



Էրիկ Առստանյան



Հայկ եւ Դավիթ Խաչատրյաններ



Մանվել Դեմիրյան



Սայաթ Բաղդասարյան

ԳՐԱԿԱՆ ԱՐՑԱՆ

ԿԻՆ ԳՎՐՐԻԵԼՅԱՆ



- Չարագած ես, Միթոն:
 - Չէ, քթիս տակ երգում եմ:
 - Բայց երգիդ մեջ հայիոյանք կա:
 - Է՛, հայիոյանքը բառ չի՞, երգը բառերով չի ասվում: Ասացի՞ երգում եմ:
 - Ինչի՞ մասին ես երգում, Միթոն:
 - Քեզ համար մեկ չի՞, երգում եմ:
 - Այդ երգն ինձ էլ սովորեցրու, ես էլ եմ ուզում հայիոյել:

... Եվ Միթոն, ուշադիր հայացքը ոչնչի վրա, շարունակում է իր գործը: Նրա գործը վարսավիրությունն է: Այնտեղ՝ հայրենի քաղաքում, նրա մկրտած միշտ խորխոր էր ղըրթուն, մատների խաղը աշխույժ էր, ինչպես այբերի ուրախ վազը ակնապիծերում: Համախորհուրդները սովորաբար շատ էին լինում, սակայն Միթոն տեսարանի մեջ չէր հերթադրում նրանց, ինչպես դա անում էին մյուս վարսավիրանոցներում: Ծանոթ-անծանոթ՝ Միթոն գրանցում էր ուղեղի անգույն տեսարաններ և սպասարկում էր բոլորին գերմանական ճշտապահությամբ: Խորհրդային բանակում ծառայելու վայրը Գերմանիան էր՝ ԴԵԲԻ-ն, ինչպես ինքն էր սիրում շեշտել: Ասում էր՝ գերմանացիները լավ ազգ են, միայն թե հայերին չեն սիրում: Թե ինչու չեն սիրում, Միթոն չէր մանրամասնում, երևի հիմքեր ուներ այդպես մտածելու:

Վարսավիրանոցի ամենաակտիվ այցելուներն էին Ռոզիսի Մավոն էր՝ հատուկ ծառայության աշխատակիցը, ում համար հետաքրքրության օբյեկտ էին միայն վարսավիրանոցի այցելուները: Մտնում էր՝ բեղերի վրա մի անբացատրելի ժպիտ, ճռճալով նստում հին բազմոցի մեջտեղը:
 - Ի՞նչ կա, Միթոն:
 - Բան չկա:

- Նոր բան չկա՞:
 - Ասում եմ՝ Ջորիկը կնոջը բռնացրել է սիրեկանի հետ:
 - Դա գիտեմ,- դեմքը կնճռոտում էր Մավոն,- ուրիշ ի՞նչ կա: Ասում եմ՝ քաղաքում մախրակի նոր պարտիա է ֆռռում, տեղյակ չե՞ս, բան չեն խոսում:

«Մախրակ» թմրանյութն էր, Միթոն դա գիտեր: Նա մոլի ծխող է, ճիշտ է, բայց երբեք թմրանյութ չի օգտագործել: Երբ Ֆիզուլիում ուղեքից վիրավորվեց, հոսպիտալում վիրահատեցին առանց անզայացման: Ասին՝ վերքը խոր չէ, կարիք չկա օրգանիզմը մորֆին ընտելացնես: Ատամները ցավից սեղմած՝ լուռ համաձայնվեց: Հաջորդ պատերազմում, արդեն Շուշիի մերձակայքում, ուսից վիրավորվեց: Խառը իրավիճակ էր. հենց տեղում ընկերը՝ Սոսը, վիրակապեց: Ասաց՝ ցավը մեղմող դեղ ունեմ, տամ խմե՞ս: Ասաց՝ չէ, օրգանիզմս սովոր չէ, յուր կզանա առանց դեղի:

Ռոզիսի Մավոն թեև չէր հաջողացնում օպերատիվ տվյալներ կորզել Միթոյից, սակայն համառորեն օրումեջ գալիս էր նրա մոտ թրաշվելու: Վարսավիրանոցի այցելուներից շատերը գիտեին նրա գալու իրական պատճառը, բայց վստահ էին, որ Միթոն ոչ ոքի չի ծախում: Նրա մոտ ամեն ինչի մասին խոսում էին, ամեն կարգի գաղտնիք բացում էին, իսկ Միթոն իր բնույթին հավատարիմ՝ միշտ խլակաճ էր: Դրա համար էլ պաշարման օրերին հավատարիմ այցելուները Միթոյի համար դժվար ճարվող ծխախոտ էին բերում, և Միթոն նրանց մանրամասն սպասարկում էր մկրատի խորխոր ղըրթոցով:

Երբ փախեցին ընկավ, հեռու մոտ գյուղերից եկել, լցվել էին քաղաքի խեղճացած փողոցները, և մինչև վերջին պահը Միթոն վարսավիրանոցը բաց էր պահում այցելուների համար: Տնեցիները թոնթորում էին՝ բոլորը գնացին ու գլուխներն ազատեցին, Միթոն, մենք մնացինք: Ձեռքը թափ էր տալիս. վարսավիրանոցը քաղաքի բանուկ մասում էր, գլխավոր փողոցը դեռևս շարունակում էր մարդկանց առատությունից բազմաձայն խլխլալով: Բջջային կապը դեռ գործում էր, և սահմանային կամուրջ հասնողներն այն-

տեղից տեղեկացնում էին՝ սահմանին զզվելի հերթ է, թուրքերը բոլորին անխտիր ստուգում են, հետո բաց թողնում:

Տնեցիները վախենում էին, որ սահմանային կամուրջը հանկարծ կարող է փակվել, ու իրենք պատանդ կմանա թուրքերին: Այդ մտավախությունը շատերի մոտ էր, և դա անհիմն չէր: Հարևանի հարսը՝ Օֆան, որ մեկ տարեկան երեխային գիշեր-ցերեկ գրկից չէր իջեցնում, հարևանների ներկայությամբ ասել էր՝ ցիանուր, թե մեզ կսպանեն, միայն թե թուրքավարի խայտառակ բաներ չանեն: Միթոն գիտեր, շատերի տներում մարտական հրազեն կա, և թե թուրքը փորձի մտնել բակերը, կռվելու են մինչև վերջին փամփուշտը: Ռոզիսի Մավոն էլ էր համարյա նույն բանն ասել ու ավելացրել էր՝ դիրքերում տղերքին չեն թողել կռվեն, պահանջել են գեները հանձնել ու հեռանալ: Կռվողների մեծ մասը, ինչքանով ինքն էր տեղյակ, հրաժարվել էր գեները խաղաղապահներին հանձնել, բերել, բաժանել էին հարևաններին: Նրանք իրենց հետ նաև սպանված թուրքերի գեներ էին բերել, որոնք լրիվ նոր էին, համարյա՝ չկրակած: Ռոզիսի Մավոնի համար այս տեղեկություններն այլևս օպերատիվ նշանակություն չուներին, նա արդեն վառել էր հատուկ ծառայության աշխատակցի վկայականը, որ թուրքերը չհիմանա իր ու լինելը: Ինչքան շատ էր սիրում այդ վկայականը: Գիշերը քնելիս, այն երբեմն բարձի տակ էր պահում:

Միթոն, տնեցիներից ու հաճախորդներից թաքուն, վարսավիրանոցի ճռճացող բազմոցի տակ յուրած ինքնաձիգ էր պահում՝ երեք պահունակներով, որոնք համադասարանի Լյական էր սովել իրեն: Նա որոշել էր ընտանիքի հետ ամենավերջում լքել քաղաքը, որովհետև, վստահ էր՝ գաղթի միակ ճանապարհը խցանված է, երթը դանդաղ է առաջանում:

Վարսավիրանոցի դուռը միշտ բաց էր, և գաղթի վերջին օրերին փախստական մի ընտանիք եկավ՝ երեք վախվորած մանչուկներով: Ընտանիքի տղամարդը, մորուքը մինչև ականջներն աճեցրած, ասաց՝ եղբայր, մնալու տեղ կտա՞ս,

մինչև մեր գյուղացիք լրիվ հավաքվեն:

Միթոն զգացված ասաց.
 - Համեցե՛ք, եղբայր, մի կերպ տեղավորվեք: Ձուգարան էլ կա, ջուր էլ:

Ջուրը, սակայն, խմելու համար պիտանի չէր, քանի որ քաղաքի գոտից կայանն արդեն չէր աշխատում: Շենքերի բարձր հարկերն այլևս ջուր չէին ստանում, և Միթոն ճարահատ օրը մի քանի անգամ կահատորով ջուր էր բարձրացնում հինգերորդ հարկ՝ տնեցիների կարիքները հոգալու համար: Հարցրեց.
 - Որտեղացի՞ եք, եղբայր:

Մարդ ու կին համարյա միաձայն պատասխանեցին՝ Գետավանից, եղբայր:

Գետավանից ու շրջակա գյուղերից թուրք ասկյարների միջով եկել էին՝ մի մասը սպանվելով, մի մասը՝ ծեծվելով ու ծանակվելով: Միթոյի աչքերում քարի կտորի մնալ ծանր արցունքներ կային: Աղմուկով փոշուտաց, ու ափերը տաք թրջվեցին: Ասաց.

- Երեխեքը սոված կլինեն, եղբայր, գնա՛ տնից ուտելիք բերեն, թեպետ մերոնք էլ երևի ուտելու բան չունեն:

- Չէ,- մարդ ու կին համարյա միաձայն արձագանքեցին,- սոված չեն, շնորհակալ ենք, եղբայր:

Միթոյի կինը՝ Ամժելը, գանգեց, մղկտաց՝ Մաշինկա բռնակիճը ճապարակներ մահացել է, Հին շենի մոտ: Ուզում են գյուղում թաղեն: Թաղե՛ն:

Հարցրեց.
 - Խոսե՛լ ես հետները, Հայաստան տանելու հնար չկա՞:

Կինը հեռախոսի մեջ լուռ լաց եղավ՝ չէ, չկա:

Ասաց.
 - Թող Հին շենի տներից մեկի այգում հուղարկավորեն, գյուղի հանգստարան չտանեն:

Ասաց.
 - Հանգստարանի տարածքում կարող է ասկյարներ լինեն, թաղվորներին հանկարծ գերի չվերցնեն:

Աշնանային օդը տանուկ ու մաքուր էր: Լքված սարերից իջած թրքահոտը միջանցիկ քամու պես սկսել էր տիրաբար վազվել քաղաքի քթանցքներում: Հորիզոնի երևացող շերտերում լուռ ողբ կար, որը նկատվում էր մի ուղորտի համար, սակայն կարևորվում էր ընդհանուր կարծիքը, միասնական միտքը:

տելու չէին տալիս քաղաքում մնալու:

Երբ իրենց ու հարակից շենքերը բնակիչներից լրիվ դատարկվեցին, կինը սկսեց թափափուկ լաց լինել:

- Միթո՛, բոլորը գնացին, մենք մնացինք:

Կնոջ արցունքներն այս անգամ հուզեցին: Նույն երեկոյան թեթև շորեր բռնեցին լողվա համարանիշով քսանհինգ տարին բոլորած իր «Մերսեդեսը» ու քաղաքից մեկնեցին: Ավտոմեքենայի բեռնախցիկում նաև վարսավիրի գործիքներն էին: Կնոջը բացատրեց՝ դրանց մեջ հաց կա, ապրուստ կա, մեզ հետ տանե՛ք:

Թուրք սահմանապահն էլ գիտեր, որ վարսավիրի գործիքների մեջ հաց կա, բայց հարցրեց.

- Ի՞նչ գեներ են դրանք:

Ասաց՝ բեղ թրաշելու գեներ են: Կուզե՞ս թրաշել:

Թուրք սահմանապահը բեղերը ազդեցաներեն շոյեց, քթաքաց.

- Հայի ածելին իմ բեղերը չի բաշարի կտրել: Կտանես ձեր դեկավարի մորուքը կխուզես, այլապես մենք ենք դա անելու:

Միթոն ասաց՝ գյուղում ույստա: Եվ թուրք սահմանապահը նորից գոհ քթաքաց.

- Գնացե՛ք,- այս անգամ ռուսերեն ասաց,- էլ ետ չգաք:

Միթոն մտքում հայիոյեց նրան հայերեն, ռուսերեն, թուրքերեն և նույնիսկ՝ գերմաներեն: Նորակառույց ճանապարհը ևս օձի պես սողում էր վերևի գյուղի ուղղությամբ: Մինչև հայկական բնակավայր հասնելը նա մտքում հա՛ հայիոյում էր հասցե-անհասցե:

- Չարագած ես երգում, Միթոն:
 - Բառերով եմ երգում:
 - Բառերը լրիվ հայիոյանք են:
 Հայիոյանքը բառեր չե՞ն:

Միթոն, ուշադիր հայացքը ոչնչի վրա, մկրտած հոգեմտությամբ նրան հայերեն, ռուսերեն, թուրքերեն և նույնիսկ՝ գերմաներեն: Նորակառույց ճանապարհը ևս օձի պես սողում էր վերևի գյուղի ուղղությամբ: Մինչև հայկական բնակավայր հասնելը նա մտքում հա՛ հայիոյում էր հասցե-անհասցե:

ԱՐԴԵՆ՝ 10-ՐԴ ԱՆՉԱՍ

6 թիվ 196 հիմնական դպրոցը տնօրինում է Ա. Նավասարդյանի ավագ դպրոցը՝ Անուշ Նավասարդյանը, որը նաև մրցույթ-խաղի հանձնախմբի նախագահն էր: Խաղը բաղկացած էր վեց ուղորտից՝ «Աշոտ Նավասարդյան», «Կերպարվեստ», «Երաժշտություն», «Մայրենի», «Սպորտ» և «Իմ հայրենիք»: ՀՀ օրինաբար հինգուկուց հետո սկսվեց մրցույթը, որն անցավ բավականին աշխույժ, լարված: Աշակերտները հատկապես լավ էին պատասխանում «Աշոտ Նավասարդյան» և «Իմ հայրենիք» ուղորտների հարցերին: Մոտ 3 ժամ տևած մրցույթ-խաղն անցավ, ինչպես հնչեց դահլիճում՝ խելքի, մտքի, գիտելիքի, անխախտ հավատի և հաղթանակի շնչով: Հաղթանակի, որին շատ

էին ուզում հասնել մասնակից դպրոցականները: Դպրոցի ֆեյսբուքյան էջում ասված է. «Արդար, ազնիվ ասպետական սերունդն է երջանիկ կյանքի երաշխավորը, Հայաստան աշխարհի և հայի հարատևման առաջնություն: Արդեն ավանդույթ դարձած «Նավասարդյանական ասպետ» խաղ-մրցույթը բացի գիտելիքի դրսևորումից, իր մեջ անսահման հուզմունք, սեր, հավատ, հույս և լույս է ամփոփում, որը յուրատեսակ հարգանքի տուրք է բոլոր նրանց, ովքեր սարեցին, չվախեցան, պայքարեցին ու նահատակվեցին հանուն հայրենիքի և հանուն արդարի»: Մրցույթ-խաղի վերջնամարտում բոլոր թիմերը հաղթեցին. կարևորը՝ լավ էին պատասխանում հարցերին: Յուրաքանչյուր

աշակերտ պատասխանատու էր մի ուղորտի համար, սակայն կարևորվում էր ընդհանուր կարծիքը, միասնական միտքը: Ինչպես ընդունված է մրցույթ-խաղի վերջում, երբ ամփոփվում են արդյունքները, դպրոցականներին իր մայրական օրհնանքն է տալիս Ա. Նավասարդյանի կինը՝ Հ. Նավասարդյանը, որը մշտապես եղել է ամուսնու աջակիցը, գաղափարակիցը, տարիներով սպասել է նրա վերադարձին: Իր խորհուրդը տվեց նաև աշակերտների ծնողներին, որոնք ներկա էին և հետևում էին իրենց երեխաների խաղին: Իր սաներին շնորհավորեց ու բարին մաղթեց կրթօջախի տնօրեն Ա. Նավասարդյանը:
 Կայացավ հիշարժան ևս մեկ միջոցա-



ռում, որի մասին դեռ շատ կիչեն հատկապես մասնակից դպրոցականները, որոնք «Կողբինդ ո՞վ է» հարցին արդեն գիտեն պատասխանել. «Ես եմ...»:

Ջոհրաբ ԸՈՒՆՅԱՆ

<p>ՀԱՅԱՍՏԱՆ ԽՍՐԱԳԻՐ Ս. ԽԱՉԱՏՐՅԱՆ</p>	<p>Հիմնադիր՝ «Լուսարար» կրթամշակութային ՀԿ</p>	<p>✉ ք.Երևան, Անտառային փ. 188/16 ☎ 097-22-38-27 E-mail: gorcert@mail.ru: www.lusarar.info</p>	<p>Մեջբերումների և փաստական տվյալների ստույգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում: Թերթը վաճառքի ենթակա չէ:</p>	<p>Տպագրվում է «Լինուշ» ՄՊԸ տպարանում: Ծավալը՝ տպագրական 2 մամուլ: Տպաքանակ՝ 500 Ստորագրված է տպագրության՝ 27.04.2026թ.:</p>
---------------------------------------------------------------------	---------------------------------------------------------------------	------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------